



# Selfie

العمل الحائز على جائزة ساقية الصاوي التشجيعية

أحمد

دار العلوم للنشر والتوزيع

أسم الكتاب: selfie

اسم المؤلف: عمرو حسن

الطبعة الأولى: يناير ٢٠١٥

تصميم الغلاف: أحمد فرج

مدير النشر الأدبي: سيد شعبان

التنسيق الداخلي: رفعت حسن سيد

دار العلوم للنشر والتوزيع

ص. ب: ٢٠٢ محمد فريد ١١٥١٨

هاتف: ٠١١٤٤٧٦٤٠٠٠

الموقع الإلكتروني: [www.dareloloom.com](http://www.dareloloom.com)

البريد الإلكتروني:

[daralaloom@hotmail.com](mailto:daralaloom@hotmail.com)

[Facebook.com/dareloloom](https://www.facebook.com/dareloloom)

Twitter: @dareloloom

جميع الحقوق محفوظة

رقم الإيداع: ٢٠١٥/٢٨٥٨

الترقيم الدولي: ٩٧٨-٩٧٧-٣٨٠-٤٣٦-٧

دار  
العلوم  
للنشر والتوزيع

إن الآراء الواردة في هذا الكتاب لا تعبر بالضرورة عن رأي دار العلوم للنشر

يمنع نسخ أو استعمال أي جزء من هذا الكتاب بأية وسيلة تصويرية أو إلكترونية أو ميكانيكية بما فيه التسجيل الفوتوغرافي والتسجيل على أشرطة أو أقراص مقروءة أو بأية وسيلة نشر أخرى بما فيها حفظ المعلومات، واسترجاعها من دون إذن خطي من الناشر



الديوان ده مش شعر ولا نثر ولا حاجة خالص ، انما كلام  
مش مترتب اتقال عند دكتور نفساني ورتبته هنا ، اتكتب  
كله في الليل ، غالبته ف الشتا والخريف ، وبعضه ماعرفش  
انا اللي كتبته ولا الدكتور ، كلام عنها ، وعني ، وعنكم  
سلباً وإيجاباً ، وعن أصحابي ، وعن متلازمة البكا المسائي  
اللي دائماً بتبدي بـ مالك؟ وتنتهي بـ " مافيش " وعن  
حاجات تانية ، ، ،

قاللي " مافيش حاجة مالهاش علاج " ، أداني  
سيروكسات ١٢,٥ واندرال ١٠ وقاللي ابعده عن العصبية  
وركز في شغلك وهتكون تمام ، يومها قبل ما اروح قتلت  
اتنين صحابي في مواجهة بالكلام ، عاتبوني وفضحتهم  
فيهم ، ماتوا وماكانش قصدي ، ولحد دلوقتي لما باشوفهم  
باقرا الفاتحة واكمل مشي ، قولتله لو استمرت على كده  
مش هيفضلي حاجة خالص ، قاللي اكسب نفسك واخسر  
كل حاجة ، بس . . . وعنها يامعلم ، مسكت القلم والورقة  
وكتبت اللي حصل بالحرف ، بالأوض المقفولة واللمض  
النيون والسرير والفتارين ونمر العربيات ، عارف!  
" الاعتراف بالحق فضيحة " في غالب الأمر ، يعني

هيعاملوك على انك سكران بتهلطف وهيصنفوك فاشل  
اجتماعياً ومنبوذ عشان مسلمها لقلبك ومش بتعرف تقتل  
القتيل وتمشي ف جنازته

الكتاب ده كمان فيه الشوية الحلوين اللي ف الحدودة ،  
اللي فضلوا من الصحاب ، واللي فضلوا مع الصحاب  
بالعشرة والمعاملة

اكتشفت ان اهم التفاصيل في حياتي إلي جانب أمي  
وحبيبي " بعد حذف أبوها " هي الأشياء البسيطة واللي  
عمري ما ادتها اهتمام ، مثلاً انا عمري ما قولت للمج  
الفخار " شكراً " مع انه سايللي دراعه طول الوقت  
وعمري ما بصيت فيه الا ودقت فرحة ، جربت مثلاً تقول  
للتلاجة " ببحك " أو تقول لكلب الجيران " ربنا يخليك ليا  
ومايجرمنيش منك ، أو تقول لفوار الحموضة " جميلك ده  
على راسي ليوم الدين " !!

ممكن تشوفوا جرعة الحزن كبيرة ، انا مش عارف انا بكتب  
العمل ده عشان انا تحلّصت من الحزن ده ولا بنية اني  
اتحلّص منه معاكم ، بس الأكيد ان المشاركة بتخلي النتائج

ممكنة وقيد التنفيذ، والواحد لو ما تكلمش ممكن يتحول  
باب أو فإزة أو انبوبة اختبار، والطبيعي ان الحزن يتحكي  
والفرح يتعاش . . .

ممم، من الأول وانا بقول بلاش تقديمات لاهتودي ولا  
هتجيب، اتفضل اقرا الكتاب ولما توصل لآخر صفحة  
استنى لحظة وقرر، لو انت ماحسيتش في الكتاب ده بأي  
شيء مشترك أو ماحسيتش اني كتبه بالنيابة عنك وانك لو  
معاك القلم كنت عملت نفس العملة، سيبه فوراً واهديه  
لصديق من نفس سلالتى، او اسند بيه رجل تراييزة السفره  
عشان متميلش بالأكل، او اعمله غطا للخابور، او سيبه  
ف البلكونه مع الكراكيب لحد ما يموت م الشمس

ملحوظة:

هذا العمل، يحاكي الواقع وأي تشابه بين أبطاله وبعض  
الأشخاص مقصود وموجه، ولا أنصحكم بتداوله، إلا  
بدافع الحكى والفضفضة، وبس

عمرو



، ، ،

لأبوياء اللي كتافه جبال خير و عيونه سمار من طمي النيل  
ولأمي اللي انتصرت ع الليل وادتني الحلم بدون تأويل  
ولإبي وحدوة ولشكيب ، ولبوبوس ولماو وموسى  
ولإيمي ونادية ولشاهندة ولكل بنات المحروسة  
ولماجدة وحكمت ونبيلة . . أنهار من حضان ف توب  
ستات

ولباسم يوسف ولفودة ولريم ماجد زينة الحلوات  
ولميدو ومعتز وحازم ، ولصفوت ولمروة قناوي  
لهشام زكريا ورامي عصام وأمير يوسف وبقيت حاوي  
ولكل الابيض ف الاشياء ولكل تي شيرت زملكاوي  
ولسامي ف سجنه وكل شريف ، سجنوه من غير أي أدلة  
ولكل مهرج ضحك حد ف عز ماديتنا مثلة  
ولأروى وسيكو وللفرقة ، وكريم كوكو وامجد وريهان  
ولمها مجدي ومروة عرفة واخواتي ف كل زمان ومكان

ولتوتا ومجدي وعم غريب ولكابتن عبده ودربالا  
لمحمد جعفر وام سمير وشريف غالي سوني رحالة  
ولاخويا محمد وليبيتي ولأمّح واحمد آل صلاح  
وصلاح مرسي الراجل الطيب أبو شمس بتطلع كل صباح  
ولوائل عامر ولـ زبما لاحمد مختار وليحيي نديم  
ولحفني ومنعم ولـ حوا وعصام السقا وحرف الميم  
ولبكالوريوس انا ما عرفهوش  
ولقرش حشيش شافني ماشوفتوش  
للجاي اللي انا عشته ف عقلي  
والماضي اللي انا لسه ما عشتوش .



ابص بقلبي لعنيها ، عنيهما جماد ما بيحناؤا أكلم ربنا عنها ،  
تکلم ربنا عنه !!

كل الحاجات الحقيقية لازم تستخبي من الناس ،  
هيتسهلكوها بحثاً وهيتكلموا عنها كثير أوي لحد ماتبور ،  
ما اعظم الضل ، اعمل كل اللي بتحبه من ورا الناس ،  
ماتعلنش عن متعتك للعام ، خبي تفاصيلك علشان تدوم ،  
اول ما هتقول انت بتعمل ايه عشان تكون سعيد هياخدوا  
اللي انت بتعمله ، في الأول هيجربوه وبعدها هيعملوا زيّه  
ولما يزهقوا منه مش هيسيوه إلا لما يفسدوه ويخلوه على  
كل لسان ويفرغوه من محتواه ، عشان كده اقعدع القهوة  
بتاعتك طول عمرك من غير ماتعلن ، قابل صحابك ف  
قعدات نوستالجيا وفضفضة من غير ماتعلن ، وتحت هذا  
البند تندرج القهوة والاغنيات واللحظات الحقيقية ، في  
الزمن ده المبهجات بقوا يتعدوا على صوابع الإيد  
الواحدة ، ولو خلصوا هينتهي العالم وهتتحول كلنا لأرقام  
وزراير وتروس ومحركات ، تحبوا تتحولوا لمحركات !

مبدأياً

بُعدنا عن بعض أوضح ف النظر

والعزلة برهان النبي أول ما يخرج للجموع

قربنا من بعض أبعد من كده

والشيع ف البعد بس عشان نجوع

عن نفسي باقلع حزني ع البوابة واخرج

جسمي البديل / الحزن

اسود غميق

شاييل هروبي م السباق المرف الدنيا

شاييل بواقى الخجل من كل شيء

شاييل سنابل ميتة

قبل الشتا

وشاييلني فيه

ما اقدرش اشيله واطوحه لبعيد  
لان فيه صفة أبويا وضحك أمني وحضنها  
فيه العلاقة الوحيدة اللي فضلت من سبع طعنات واسم  
واعرفوا من غير ما اعيدها للأبد  
لما باحزن بابقى ناقص روح  
و اما بافرح بابقى ناقص جسم

من هنا وف عزلتي باكتب لكم عن قصتي  
بابعت لكم سلامات صحابي ف اغترابي  
كل اللي شهدوا ع الكتاب  
وسمعوا عبارات الوجد والشكر واللوم والعتاب  
واتمکنوا مني في ليلة كتبتهم ووزنتهم  
على قد جهلي بالميزان  
على قد علمي بالنغم  
وبقول لكم من عزلتي هذا الكلام:

## مشهد ١

جيل التمانينات، شركاء الحياة والموت، أكثر جيل ضحك  
وهو بيعيط، العشر سنين الأوائل مرّوا علينا كأنهم طيف،  
حلم سريع، ما كناش نعرف اننا هنخلص حصّة البهجة  
كلها بدري كده، لو نعرف كنا قسمناهم بالتساوي ع  
العمر كلهم بدل ما نخلصهم كلهم ف ابتدائي ونقعد نندب  
باقي الفترة. . .

سلام الله على الحارة الطيبة، بشكلها الكلاسيكي الغير  
معقد، بشبابيكها المؤمنة وتفاصيلها البسيطة وسكانها  
الأصليين، رمضان اللي بجد، الطبلية واللمه ع الأكل،  
الفولكلور والألعاب اللي كنا بنصنعها بايدنا، شكل  
اللبس، الذكريات الواسعة، الواسعة جداً قبل ما كل  
حاجة تبقى ضيقة، حتى الروح. . .

لكل الاشباح اللي خرجوا من اجسامنا لأزمان قديمة  
يتفرجوا على مسلسلات تاريخية ويلعبوا السبع طوبات  
ويعيطوا بأداء جماعي ويضحكوا في المطلق. . . .

## المشهد

ليل خارجي، حارة الأقباط في شارع طنطا بمدينة الاسماعيليه

موسيقى

مقطوعة "ربما" للتلاتي جبران

الاضاءة

أبيض ممتد، ضوء أزرق نأسي على وشك طفل أسمر

ديكور

بيوت دور واحد ودورين، هشة أحيانا وأحيانا شبك بصلفتيه، عمود نور  
ما فيهوش كشاف بس لو اتشال يضلج الشارع

الحالة

نوستالجيا

باكتب لكم

عن طفل يشبهني

يشبه ابوه اللي كان غاوي السفر والطل

وكإنه مفتاح للسّمار بيطل ع الأبيض

عن طفل يقود الكتيبة ف الميدان

ويفطّم الأفراح عن الأحزان

للطفل عين بتبصّ ع النور بانتظام

والثانية مقفولة انتظار للشرح

ينظر للبعيد مجنون

يعشق خروج الشمس من جيب المسافر

أو دخول البدر ع المينا بهدوء

يحتل وزنه ف امتحان المشي على طرف الرصيف

ينزل ويطلع ينحني يثبت يقوم

يخسر معارك طياراته ع الرياح

يشكي همومه لنجمة ساكنة ف غرب بيتهم كل يوم

وسألت : هل كل أطفال المدن يبحبوا آخر العام؟

صورة ديسمبر لما يتحول شجر

ويهزنا بالليل؟

أولما كان بيوجه الأطفال لضوء مبهر غريب

ضوء الكنيسة ف انتظار العيد / يجوز

أو خطو بابا نويل

لحظة ما يدي الناس عطايا وينطلق فرحان

شجر الكريسماس لما يحتل المدينة بعنف

وينصهر فيها

ف الحواري

يسمعوا عن شكل بابا نويل

لكنهم مايسمعوش عن أمنيات بتتم

يتفرجوا ف السينما على أفلام بينزل فيها تلج

لكنهم ما اتفرجوش على تلج رطب حر خوفهم م الحقيقة



لحظة ما دق الجرس

خرجوا المصلين المسافرين و ايدهم البركة

هب الولد

شارك صديقه الأكل والمطر العنيف

كانت مظاهرة خلق ع الاسفلت

كان الصليب

بيص من فوق البشر زي السما الثانية

وجناين الأمطار بترقص للصور

وتشارك الناس انتصارهم

كان لازم الطفل اللي عيط بيتسم

كان لازم المجذوب يطبب ع العيال

فيدخلوه ف اللعب وياهم

أسطورة قالت : إن مجذوب المدينة

هو بابا نويل

بيقضّي طول العام علي الطرقات وحيد / لحد يوم العيد

كانوا العيال بيدخلّوه ف اللعب وياهم

علشان يمد ايديه ساعتها يحقق الطلبات

كان لازم الشعر اللي ساكنه

ينفجر صاحب

ويخط أول اغنياته بحس طفل

يمكن تكون مازادتش يومها عن خمس كلمات :

ربنا ، الليل ، حبال الطيارات ، صوت الكناريا ، المطر

من بعدها جربت أقول الشعر وحدي

وعرفت إيه معني الخطر

كل اللي فاكره إن نجمة ف السما  
كانت بتسكن غرب بيتهم كل يوم  
يكيها عن كل اللي تم ف ليل طويل  
عن ذكرياته البنت ف كتاب البراءة  
عن وردة شافها بتتسمله مرتين سابقين  
وماكانش عارف ان كل البلكونات  
بتعيش حالات بالشكل ده  
وف كل بلكونة ولد  
بيبص على نجمة بتسكن غرب بيتهم كل يوم

يشبهني جداً قلب هذا الطفل  
دمعه المفاجيء ، والمنظم ، والخبيث  
حبه الغريب للطائرات البوص  
لحظة ما تخفض وشها لله  
وكانها بتعلم الناس احترامهم للمقدس وانتصارهم بيه

موسي إذن ماوصلش للفرعون ف لحظة  
اليوم كان مُرهقٍ أكيد بتحاوطه إيد من ضي  
تملاه شكوك عن صدمته ف مقابلة الفرعون  
وكإنه بيمثل آماله ف ابراهيم  
وبيسأل الله عن ندى قبل امتحان النحر

يمكن عشان الرحلة دي ، وعشان جنون الشعر فيه  
انشق ليه البحر .

## خروج ضروري

الطفل دمعه بيكنس الشارع ويرحل مش بإيده

والخوف إذا صيده وقع ف الأسر بيبيده

أطفال ضحايا الحزن قوت الظلم وعبيده

الرحلة طول ما السير طويل بتسير وراه

والأعمى يبطل نظر من صدمته من شيء رآه

أوقات بيان الحزن نور من شدته والضحك آه

والسكة بتغرُ الولد بين ضلعه ووريده

## {هامش}

أول كلامي لجدتي : أزيك!  
الدنيا مع غيرك بدون فرحة  
وحشني جداً كلامك ضحكك ليا  
جلايتك والسبحة والطرحه  
حجرك ياتينا اللي كان مفتوح علي الدنيا  
حواديت ولعب وكلام أنا مستحيك انساها  
تصحي ف نور الفجر باللحظة والثانية  
تتوضي وتصلي وتقومني تبني حياة  
كنتي كباتك شجر وصل السما الثانية  
أو كنتي زي المطر نازل بأمر الله

وحشاني يا جدتي  
فيه كلام كثير متحاش  
كيد الأمير وانهزم  
وأميرته ماقابلعاش

والديب هجم ع الغنم

مافضلش فيهم سوى

واحد ضعيف هو أنا

قرر يموت قام عاشت

الراديو لما اترمي عيطت يبجي يوميه

صندوق بججم السما شايل غناوي دوريه

فوازير وحتي وامل بنوته بضيفرته

وبراءة عاشت زمه ماتت في غمضة عيه!

آخر كلامي لجدتي: سلامات

باللي انتي فوق انما لساتي في عنينا

عمر النفر مننا مش كونه عاشت أو مات

لكه بطول قعدته في السيرة حوالينا

وحشاني يا جدتي، ما تكفينيش كلمات

لكني لو هاسمك.. هاسم كذا جنينة

## مشهد ٢

احنا اللي بيسمّونا الأقاليم ، بلاد فضّلت تكون دراع أو رثة  
على انها تكون الراس ، بلاد منزوعة الماكياج عديمة الآلة ،  
مفرطة ف البهجة ومختلفة ف اللهجة ، بلاد بتخبي الشمس  
ف كل بيوتها القديمة وتطلّعها كل يوم حبة حسب  
مزاجها ، لكن لاسباب ما اقدرش اطرحها لانني  
ماعرفهاش ، بنفوق علي ساعة فجر شايدين فيها أحلامنا  
وأهالينا وشوارعنا القديمة ف شنطة كبيرة وبنمشي ف اتجاه  
العاصمة كإننا مرتزقة ، ملعونة الأحلام يا أخي ، بتغرّب ،  
بتخلينا نمشي ف جيوبنا صحاب زمان وأدوية الاكتئاب  
والوحدة ، علي أي حال " طوبى للمغتربين في بلاد  
لاترحم "



## المشهد

نهار خارجي، موقف أتوبيس الاسماحيلية القاهرة

موسيقى

أغنية "دوريني" لفريق المغني خاتة

الاضاءة والديكور

لا يوجد

الحالة

سفر

عن حلم نورس فات بلاده البحر

قاصد بلاد فيها النوارس خطيئة

مجرمة ف حق الأبرياء الطيبين

وبريئة عند المجرمين

فما أغربها

مجرمة . . بريئة

تحبيك بروح الغلابة ف الطريق

وتقتلك بنفس الطريقة

على باب مدينة

أهلها بينماموا بعد العصر / جيت

سلمت على كل اللي شبيهي

وابتسمت بكيت

على باب مدينة

أهلها بيعيطوا ف البحر أو بالبحر أو للبحر

بصيت ورايا

شُفت المدينة بتسلّم عليّا عند كارتتها

وقالت لي : آخرتها .

نفضت شريطها /

وفرطت ضميرتها

وسابتنى اشوف كل اللي سييته ف الطريق

ف الطريق

برتقان بيطل من حجر البيوت

زي العيدية ف اختبار الفجر

عازف سواحلي من رجال السمسمية ف المقاومة

بيقدم استعراض مؤثر للي من بره المدينة

وبقوة فراشة

كان يرفض أي خمسة جنيه يكرمها الغريب

ويحطها ف ايده

بحر بيعيط محار ويكح موج مالح  
توتر على الكورنيش  
باسميه الهوى الأول  
أو انتصار الفولكلور علي موجة التحديث  
ف الطريق  
تقدر تقول الأغاني بلهجة خاصة  
خاصة جداً  
يعتبرها الناس غناك المفرد الجمعي  
أو نشيد لخروجك المعلن من الصلصال  
تقدر تبص من البيوت الضيقة ع الراحلين الصبح  
وتشوف ف عينهم شيء  
يخص الغربة  
والرحلة

أنا كنت زيك زمان

بانظرلهم من عين بيوتنا الضيقة

ماشيين ف حضن الفجر قاصدين المفاجأة

بيدوروا على شيء مايعرفهوش

وكأن سرب من الطيور

مختار بلاد مايتديهوش سبب المجازفة

حط العجوز ايده على اكتافي :

- حافظ نشيد الراحلين الصبح؟

- أيوه

- غنيّه

ماتقولش ضاق بينا المكان

قول ضيقنا بيه .

و كعُرف مش عارفه

كان اللي راحل م المدينة ف اتجاه الضوء

بيترك قلبه ف الامانات ويمشي

وكان مطب

واقف ببيكي ع اللي خرجوا م المدينة بعد متر

و المحصل

بيبص ف وشوش اللي خرجوا ببطء

و كانه بيعلم وشوشهم علامة

يقدر إذا فاتت سنين

يوجدها بسهولة

قلت :

لوقمنا بحذف ال " ك " من كلمة هناك

هل كانت " هنا " هتشدنا؟

هل كنا هنرضى بالأغاني الموسمية؟

باللجوء لله علي شط القناة؟

بالصور ف ألبومنا؟

بالدبلة الدبارة ف كف بنوتة؟

هل كنا؟

هل كنا هنصبح ميالين للشعر مثلاً؟

الشعر أفرحنا وأحزاننا

إعلاننا للأحداث بكتماننا

جلابية الفقرا اللي انا منهم

الشعر بالنسبة لسواحلي كل مايمك

الشعر والنوة وفراق محتوم

هما اللي ممكن يحنوا ضهره هناك

ياحزن السواحلي

لما يمشي ويدي ضهره لموج بي طرح ملح

ياحزنه لما ينشطر نصين بعاد

ويخلّي قلبه بين بينين

وكإنه ف الحالتين بيمد روحه للسفر

ويهز قلبه ف لعنته

خدم السواحلي كل شيء

الا اعتزازه بلكنته

وماتسألوش عن موت هيبجي ف الطريق

أو ليل هي طرح فجر مش مفرح

ماتسألوش لو قلبه ف الرحلة اتفض

أو زاد سعة

لو كانت الغربية اللي داقتها مرعبة

أو ممتعة

بس اسأله : ليه الشنط

بتحب تهرب من صحابها وقت حزم الأمتعة؟ .



دلوقتي خارج للغريب

خارج وفايت كل شيء :

شكل أمي /

والمطر بينافس الدمعات ف عينها كل ليل

وبترمي روحها للتاريخ والذكريات

حزن جارتي

لما تقرباً بتفضل واقفة ساعة

حين ما يبجي الوقت وانزل ف الطريق للشغل

فتعيّطُ غُنا

وتفضي نص إزاة البارفان على هدومها

وتخرج قبل ثانية من نزولي

فماتلاقينيش

دلوقتي خارج وفايت كل شيء

موسم المانحة / جنون السمسية

بياعين الجمبري ف السوق / رقة الكروان ف عز الفجر

خضة القاعدين ف نادي الشجرة وقت القطر مايعدي

شكل الخديوي ف الميدان

سكة الاستاد

.....

وغيرها

مسحت دمة نزلت من عيونني ع المطب وقلت :

لو افكرت انساها

مش هانسي افكرها .

## خروج ضروري جداً

خارج وسايب دارك المليانة بيك  
هتسيب لمن أمك هناك من غير أبيك  
والبيت إذا عدته غريب هيكون أبيك  
الأرض واسعة ورحلتك مليانة نوح  
وسفيتك المليانة جوز ينقصها نوح  
جسد بيخرج م المكان وفايتلي روح  
ودموع خروجك من هنا مسقية بيك

{هامش}

تَعْرِفُ تَفْرَحُ؟

بِاعْرِفُ مَا حَزَنَتْ

تَعْرِفُ تَضْحَكُ؟

بِاعْرِفُ مَا بَلَيْتُ

تَعْرِفُ تَرْتَبِي؟

بِاعْرِفُ مَا تَدْمَشُ

تَعْرِفُ تَحْكِي؟

بِاعْرِفُ مَا أَدَارِي شُ

مَالِكُ؟

خَائِفُ

لِيهِ؟

مَشُ عَارِفُ

مَشُ عَارِفُ أَيُّهُ؟

مَشُ عَارِفُ أَحْيَيْتُ

(سفر بشكل ثاني)

باكتب لكم من عزلتي

عن صاحبي صياد السمك

ساعة مقال :

ف العمر كام ثمانين سنة يستاهلوا ننزفهم

ثمانين سنة ف حجر الشوارع والبيوت

تعرف ، ،

كنت عايش ف البلد دي

لما كان الليل بيحجي في أي وقت ويتفرش ع الرمل

لما كان الموت بيظهر للفدائي زي ضله

كنت واحد م اللي مروا ببطء ع الشاطيء وغنوا

م اللي قادوا النار وفاتوا الدار

غصب عنهم

أو غصب عنه

لياً حاجة ف كل حاجة ف البلد دي  
كل دكة . . . ليا فيها ساعات من السرحان  
كل ناصية حارة فاكراني بملاحي  
قبل م الزوار يعلّوا ف البُنا  
قبل م العمدان يزيد طولها خمس أمتار  
وتعجز عن إضاءة حي باستمتاع  
حجر البلد دي يتسع لكثير ولو ضيق  
واسألني عن حجر المدن وحفاوة الأتباع  
كل اللي عزّل منها مش منها  
وصدقني كل اللي باع اتباع

المنطقي / ان اللي عاش ثمانين سنة بيصاحب الموج والقنابل

لما يبجي يموت ، يموت على شطها

المنطقي ان اللي قضى حياته يعزف سمسمية

لازم يموت وف حضنه حاجة منها

الغريب ف الموت مهارته ف اختياره للنهاية

الطبيعي ان مثلاً لما ابويا يموت

يموت قاعد على الكرسي ف ايديه جرنال

بيصع الأخبار ويشرح لي الفروق الضيقة

بين السياسة والقمار

أوف ايده اللايّ مايّل ف اتجاه الشمس بوصلة

وف عينيه نظرة تأمل للطبيعة

مش يموت ف الفجر باصص للممرض

والمذيع الداخلي بيصحي كونسولتو العناية . . . . للنهاية

إن جاري حين يقضيّ نص عمره ف اختراع الفرح

أوف الرقص من باب المجاملة للجيران

لما يبجي يموت يموت على صوت آلات النفخ أوع الميكروفون

مش يموت حاضن طبق ف بلاد غريبة

موتة الجرسون

باسأل عليك ف اليوم عشر مرات

فينك ياضل البرتقان وحفاوة المانحة

مارس ببيجي كل عام يسأل عليك

قلت لعيون عيل سألني ع الغنا:

ان الموسيقى

مش مجرد شيء بيوهبنا السكون

هي أكبر من كده بكتير

يصحبنا صوتها ف اللقا الموعود أو ف الفراق

ف الخلاف والاتفاق

تخرج معانام المكان وتظل بيناع البعيد

صوت الموسيقى كان بيخرج م العجوز

يرسم حدود أبعد لتغريد المدينة

دمعته ضحكته

زي ليلة من ليالي شمال حزينة



هل كنت باحلم لما شوفته بيبتسم على ضفة الكورنيش؟

ساعة ما قال لي :

قد ماتعيط هتضحك

قد ما تسلّم عينيك للبحر تسلّم

يااه ، من غير غناك تعرف

فشل القمر ف الرقص ع الشرفة

وقفت بنات المدارس ف انتظار السر

ف انهزموا

من غير ماترقص بعد فوز الفرقة بالدوري

كل اللي دخلوا الاحتفال حسّوا انه ناقص شيء

على أي حال

يكفيك وجود عيّل سماره بيجمع البحرين

وبيجلظ الضدين

يكفيني صوتك

وانت بتبيع السعادة للمشاة

كنت أول فرد يسحب م الوداع صك اللقا

وانت أول فرد يصنع

أرض أصفى من سماه

من هنا الكورنيش؟

يجوز

من هنا البلاجات؟

يجوز

قال لي :

من هنا أول طريقة للحياة

## {هامش}

عم أحمد مات:

الصبح العالم صلوا عليه ف ميني الأوقاف

كان واحد م الناس اللي انبسطوا

ومشيوا خفاف

م الناس اللي اتكتبت بالجاف

عم أحمد كان باجل سكر

وعجوز فلتاه

تعصر مخه يتزل حواديت

تعصر قلبه / يلدق نسوان

لكه كان طبيب برضه كمان

وحياهه غلابة ومحاوره تعيش

خاله وايمان

خاله / كان طالب ف الجامعة

انا حلي ما اسمع، طالب ف الدفعة الثالثة علوم

عم احمد كان يضحك ويقول :  
ده هيطلع ايه .. يملكه بلعوص!!  
اضحك / يضحك / يتنابه سعال  
بعدي شوية ويشرب منه .. أخيه يا عيال  
ده الواحد عجز مشه درياه  
كان بنته ايمان معهد سننك  
والحاجة مراته ادلها سنين ما بتتحدث  
اما سألته عيانه بايه  
قال : ما يخصكش  
وزنقني ف خاتة اليك وقال : اشرب يا خفيف  
علي قد ما يبياه متسلط  
علي قد ما كانه مع جوه نضيف  
عزنا ف الحنة ما فيشك انسان  
الا وعم احمد يوعي عليه  
ويقولك انا هنا مع ياما  
مع قبل الوالدة ماترقو بيك  
مع قبل ما فيه عقلة صباح تطلع ف ايريك

عم احمد كان عم الطاولة

ومالوثك مسلة

ومحال تعرف هتفاجئه منيه

بيجيب أجلك ف مسافة مايشد الحجره

كان يشبه مصر ف تفاصيلها

فرحاه وخره

طيب تعرف

املنة بتاحته اما اتوقى

مايقتش تدور

حتى النضارة اللي لابسها بشنبه مكسور

لو واحد غيره يجريها

مايشوفش النور

عم احمد مات

وفهمنا حاجات ساعة موته

فيه ناس بنشوفها مانعرفهاش

غير لما تموت

وسيرتها تدور على كل لسان

وقتھا بس بتعرف اصله  
وتعرف اهله  
خاله وايمانه  
وتقول بينك وما بينك نفسك  
مش كت حزننته و خدت بايره و عدينا!  
في حاجات بتياه جوه عينا  
مانحسش بيها الا اما تغيب  
والفازة بتلئس اصلاً مه غير ماتسب  
الفازة بتلئس اهمال  
والناس بتموت طمعاً ف سؤال  
عم أحمد مات  
وفتحلي مجال  
كام واحد عايشه ف الدنيا وما ينشوفهوش  
كام واحد ميت لاح يدفه عالم ممانوش.

## المشهد ٣

أول حب ، الكم اللامتناهي من السذاجة المنظمة ، الظهور الأول للدريالين بشكل غير مدروس ، ضربات القلب السريعة والرعشات الخفيفة الحقيقية ، أول حاجة ف كل حاجة ، الخيال الوردي والبراءة المطلقة ، التوتّر البيولوجي المعجيب ، الهزيمة الفادحة بعد أول فراق ، الصور الكثير اللي ماينفعش تتوصف أو تتقال ، الفترة اللي بتتربط في خيالنا بأفلام أو أغنيات أو مشاهد غير مرتبه ، الارتباك لأول مرة ، البهجة اللي بتخلينا نغسل الاطباق وننصف أوضنا ونعدل براويز الصالون ، الفيلم القصير جداً اللي بنترعب واحنا بنكتب نهايته ويكون أول حرف ف متلازمة القرب والبعد ، وأول خطوة ناحية الاكتئاب المزمّن

## المشهد

داخلي ليل (مخرفة)

موسيقى

طيري يا طيارة ل فيروز

الإضاءة

أزرق سماوي، خلفية أحمر قاتم

ديكور

مخرفة غير منظمة، دولا ب مفتوح، كرسي خشب قديم، مكتب صغير،

وروق كنيد



باكتب لكم

عن بنت واحدة طيبة

هي اللي قدرت تخطف الشاعر

وتكمل اللوحة اللي نقصت لون

كانت بتشبه قوس قزح

لحظة ما يصغ طرف فستان الصبية

وينطلق مكسوف

قالت : كإن المطر ما عرفش غيرنا يا حبيبي

تفتكر ممكن ف ليلة صيف هنتفارق؟

كانت إذاعة ( F.M ) بتبتي الإرسال

وبتبتي فيروز صباح الجمعة زي النور

أو زي صاحبي ما قال عليها / موسم الغفران

" طيري يا طيارة طيري يا ورق وخيطان "

كنا ف ليلة صيف ليلتها  
كانت عنيتها بتحوي شيء مجنون  
والشارع المرهق بيعرق ليل وخوف وسكون  
فردين يمشوا ف آخر الشارع  
بيفصلوا الأغنيا عن ضحكة الفقرا  
وبيمزجوا الشعبي بصوت فيروز  
يمكن يكون الركن ده  
موقع إلهي للتححرر والتواصل  
هنا  
قالت باحبك واختفت  
هنا  
سألتنني عن عشق البنات  
وجاوبتها هل في بنات أصلاً ف هذا الكون سواكي؟

ضحكت هنا

وورود خدودها لونت خلفية الشارع هنا

أول دخول بصراحة ف الممنوع هنا

آخر دموع تنزل فرح كانت هنا

هنا كل شيء كان بيننا كان

بس الليلا دي كل ده ما حصلش

أمي اللي يومياً بتقطع ورقة ف بلوك النتيجة

سألنا باستغراب : هل حد قطع ورقة بتاريخ النهاردة؟

قلنا مش فاكرين

بس الحقيقة رفضت أقول السر

يمكن تشاؤم من فراق هيكون

أوخوف لا اقابل إتهام بجنون

أو سيل معارضة

الحقيقة اني اكتشفت الصبح

ان النتيجة ماكانش فيها ورقة بتاريخ النهاردة!

كان كل شيء يقول هتتفارق

كنا ف ليلة صيف

قالت : باحبك

بس مش ممكن نكون فردين على نفس السفينة

نزلت دموعها بانسياب يوجع

واللمبتين فقدوا البصر فكأن نورهم ضاع

كانت إذاعة (F.M) بتنهى إرسالها

فيروز ف نفس الوقت ختمت

بنفس اللحن والإيقاع

" بدّي إرجع بنت صغيرة "

وف عينها شفت السفينة بتكملّ نزول للقاع .

## {هامش}

المكان : وسط البلد في القاهرة

أما الزمان فمع زمان

قصة حزينة مؤثرة

والقصة دي كان يا ما كان

بنت بضعيرة ومريلة

ومادام في بنت ف فيه وله

بيبص م الشباك عليها لما ترقص ف الخلا

ضحكتله مرة ضحكها

حبت حكايته وحبها

حلفوا انهم هيكملوا

كانوا كل يوم ييمتلوا

روميو وجولييت والقدر

سافرت في رحلتها الطويلة

وهو ما باليد حيلة

كان كل يوم يجمع لعبهم في الصالون

واهمه شافوا ده جنون

منه يوم ما سافرت قوسه قرح

بقي ناقصه لونه

المكان: وسط البلد في القاهرة

أم الزمراء في حالياً

نفس المكان علي قهوة بلدي

قاهر حريمه مسترخياً

كوباية شاي واتنيه جنينه

وقميص كاروه مكتوب عليه

انا حبيبتك.. سيبيني ليه؟

عدت قصاده وشبهت

وبعد حبة اتبعت

اه الزمعه غيّر كثير

مشى هو ده نفس الأمير

ولا هي طيره

أيد منك مع واحدة غيرها

وهي حيت حد غيره

وكع سجارته ف العوا

دخاتته سمتهم سوا

أنيه صغار بنت ولد

الحلم مات لما أتولد

مع وقتها والقاهرة

زعلانة مع وسط البلد.

باكتب لكم

عن شاب يشبهني

عاشق هدوء القصيدة ورقة الإيقاع

يرقص على الخيط الرفيع

بين شعوره بلذة المشوار

وخوفه من عيون المارة وقت غروب

الشعر عند القاصدين الشعر / لوحة

واقفة ما بين حالتين

إما بتستر أو صريحة

والشعر عند المنوحين الشعر / لقطة

مفضوحة حتى غموضها

أوغامضة بفضيحة

تقدر تقوللي يعني ايه الشعر؟



قلت :

طعم أول رشفة ف الشاي بالقرنفل

لما يصطاد البنات الهربانيين م المدرسة

ويزقهم على رحلة السیما والرقص ف الطريقة

شد آخر ورقة ف بلوك النتيجة

وشعورك المرهق بعام فايت وعام هيطل

أو صحبة الحلوة اللي تمت سبعة من شهرين

وبقالها مورد شبه ثابت

من تجارة الفل

أو.....

ايه؟

تقدر تقوللي الشعر ايه؟

كان شاب يشبهني

بينهي علاقة بدأت وانتهت ناقصة

كان يمكن الضوء الخفيف

والأغنيات الناعمة سر وجوده وياها

- بتحبني؟

- ماعرفش

بس الأغاني الملهمة كانت بتبدأ من هنا

قلق الصواب ف السلام

أول ما اشوفك كل حين

قلبي اللي كانت تقسمه الطواحين

لحظة ماواجهك بشيء كان نفسي اقولهولك

- بتحبني؟

- ماعرفش

عارفة التعود ع الموسيقى الطيبة الناعمة ،  
وبراعة القديس ف لمس المخطئين بشوئش  
صوت المؤذن لما يوهبنا الأمان ويشدنا للصبر  
- بتحبني؟  
- .....

كان الصراحة الجو  
لايقع الفراق  
برد انتصر بجنون علي الأشياء  
أمطار بتنزل باضطراب وهدوء  
والليل بيوصل منتهاه  
كانوا ساعتها  
كل واحد ف اتجاه  
بيصوا من على قرب أبعد ما يكون

والمشهد الناقص يكمل

زي ما اختاروا

هل يرجعوا حبيبين

بيفصلّوا اللقطات بشوقهم

أم يكذبوا كذبة (صداقة بعد حب)؟

إحترت

واحتراروا

دخلت ف شارع جانبي

وانساب ف شارع جانبي

أول ما حسوا بانهم ما انهاروش

إنهاروا.

ممکن تكون علاقات بهذا الحجم هي الشعر .

أو يمكن يكون الشعر ضوء خافت

لست كفيفة بتخييط هدموم العيّلين بالليل

أو يمكن يكون الشعر . . . . .؟؟

- يمكن .

عموماً

ف السفينة شرح واحد

واحنا دورنا نتنصر للخضر ، نكتب

نتنصر للفعل ، نكدب

نكتفي بالشعر ، نسهب

أو نحافظ ع اللي فاضل .

احنا دورنا الصيد بفتنة /

واللي يقتل شخص عاجز

مش مناضل

## خروج

بتفارقك البنت اللي كنتوا بتقسموا الليل كل حين

داكم بكاكم داء مايرضيش جراحين

ففارقها احسن قول لها: لو تسمحين

رجليك وصارت ثقلها أتقل من البركان

والصبر مايجيش بالطلب أول ماتصبر كان

الصبر على أرض ف عنيك لو طميها بور كان

وانظر معاني الصبر ف عيون فلاحين

## {هامش}

انا لو هاقول ع الفراق

هأبدأ كلامي منيه!

والشعر قال ياما عه الفراق بالعيه

وقال كلام أكته عه برد صاب الايديه

والشعر قال ع الفراق

انه الوجع بالليل

وانه البكا والسهر

وانه السلف والديه

وقال ف باب عكته

"إه اللقا فراقيه"

أوقات خسارة بفوز أو نصر بهزيمتيه

وتكثير كتب ع السبب أو ميه مودّي لفيه

الشعر وصف اتنيه كانوا زماه واحد

لكنه ماوصفتك واحد

كمل حياته " اتنيه" !

مه تبتنا المظبوط لضحكنا ع التبل  
مه حضننا الملببوط لحضننا في رحبل  
ومه عبال جرحاه يععطوا بالبعر  
رجالة أوبة صحيح بس احنا مشه تماثل!

الراجل العادي

وقت الفراق عادي

يعني البعاد ده نصيب والرق ع البادي  
ويقول لها اسف واتمنى ليكي الخير  
وانا ماشي وانا عارف انك هتبقي لغير  
ويروح يكمل سير مع واحدة بتنادي

ده الراجل العادي!

أما الرجال بصحيح وقت الفراق يتموت  
العشرة ليها جلال ومحبة بنت بنوت  
ف زمان بهذا الشكل م الصعب تلقى شريك  
نادر تلاقى بنات جرحاه وبينوا بيوت



بس اللّي له أثره والعامل المشدّد

اللّي البعاد كسره وسابه يفتكّر

هو الكلام بينكم ووصيفكم للبيت

وشكّل أوضة الولاد

ولون دهان الحيط

بتحب تاكل إيه

وهي شاطرة ف إيه

والحضة وقت الشتا وحيب ايديك ف ايديه

سألني صاحب وقال : إيه أصعب الأشياء

قوت ان حد يروح وتبلي منه عليه

طميني

عاملة ايه؟

كلميني مع حياتك يعني عاملة ازاي بدوني

لسه بتحبي الشوارع والمطعم والميلوليه؟

لسه بتحبي العيال الشحاتيه الطبيبيه؟

لسه بتحبي المراسلة بالحنيه!

مشة هاقولك اسمہ ایہ

مشة هاقولك هو میہ

احننا بنکمل حیاتنا بناسه أساساً حلم غیرنا

غیرنا بیکمل حیاته بناسه أساساً حلمنا

لولا انی بجد مؤمنه کنت أقول ده حرام بجد

بس انا عمري ما بآکتره شيء یجیبه ربنا

باسم کل الناس معایا المجروحیه ف القلب جرح

باسم من بص ف مرایة شاف ملامحه ناقصها شرح

نخل شوقنا جریده خوفنا.. نخل رامي الحزن طرح

کل واحد ساب حبیبه

ثم کمل شيء بدونه

کل واحد معما یضحک

تلقي فيه دمه ف عیونه

الفراق قسمة ونصیب

واحننا مضطربیه نسیب

الفراق والله لعنة

نشکي للرحمه وجعنا

نحكي للناس دون مانجرح

لو خرجنا او انخرجنا

اذكروا حسه اللي سايلكم واوعى مره تشوهوه

واخرجوا به اتنايلكم واحنوا خوفكم واقتلوه

واضكلوا يملكه تلاقوا

حلم بكمه تكملوه

باكتب لكم

عن بوح قديم يشبه صديقي . ،

كان صديقي شاب ف الستين

بص بهدوء ع المشهد المحزن ومل من الكتابة

قال لي :

عصافير بتخرج من بيوتها المغرمة

وبتصنع الروح سيمفونية

والناس ماهيش حاسه

الناس هنا

زهقت خلاص م اللحم

والبوابات مقفولة قبل ماتنفتح

الناس هنا مابقتش قادرة تبسم

ف اكتب لمين؟

قلت : نفسك بيخرج ف الكتابة

رجليك بتقوي ف مشيها بعد الكتابة

صوتك بيعلي ف الكتابة

سلم ايديه للقهوة وسألني :

سمعني آخر ما كتبت؟

(شب الودل للبحر واستسلم لترجاله

والعلم سر الشعرف شعوره وأوحى له

فان الصديق والريق لما فترجاله

خط القلم للجميع والشعر يعنيني

كؤننت صورته بملامحي وقلبي وعينيني

وعانيته قبل ما يبتري حتى يعانيني

(الشعر شعر يا صاحبي في كل أحواله )

قلت لصديقي :

أشياء كثير هي السبب ف الحزن

صدقني

قاللي : تفكر نقدر نعطل موت ونكسب روح

تفكر ف بلاد بتتحدى الكتابة بعنف

وتشتهي كسر الولد ف بيانو من حقه

ازاي هنكتب؟

كنت باشبه طفل نط بخفة م الرابع

عشان يحسب مسافة اسمها " لاشيء "

قلت ف خيالي :

أد ايه خاننا المجاز وصنعنا عالم مش بتاعنا

ياأيها الشعراء

طوبى لكم طوبى

قادرين برقة تمدحوا السكر والفاكهة معطوبة

مانزلش عن ظهر الحصان

غير اللي خان ياأصدقائي

انتوا المسافات الأخيرة للبنفسج

ريحة التواريخ وهي بتنتحر حاضر وبتنطلق للجبيّ

قلت لصديقي :

تفتكر نخرج بحفة ونسحب م اللحن

قال : لو بايدينا لاخترنا الخروج منها

قلت : لو كنت مش كاتب هتصبح ايه

قال : مراكي بيتدي اليوم بالمفاجأة ويتتهي بالحظ ، وانت؟

قلت : نورس

وارمي نفسي لأي بحر بيعشق الأناشيد

نحتفل بالليل وبالعام الجديد

ونحط روحنا كالقدر علي جيبة الحلوة

يمكن ننول أشياء مانعرفهاش

كان صديقي شاب ف الستين

يصدمني ف اكتب

يبي سور من ليل قصادي انتصر واعبر

أصبر ف يقتلني بهدوء

يقتلني فاصبر

بس النهاردة كنت مش قادر

كانت بوادر يأس ما اعرفهاش

كان ليل بيخرج من عيون الطيبين ع القهوة ويانا

وبينصهر فياً

قاللي جملة لو ماقالهاش وقتها

كنت مررت الورق بهدوء ف كراستي

وانسحبت

قاللي :

سمعني آخر ما كتبت



## خروج

مش بس فرق العمر يفرق ف الأغاني والورود  
لكن ساحات التجربة والوقت بين لفتة وشروود  
النار بتصطاد التاريخ أول ما بيصيبه البرود

لكن صديقي كان مكان بيسير ف كل مكان  
بيونس الليل بالقصص لو ونسُه ف الإمكان  
بيقدم الخبرة لصبي ويقوله كان ياما كان

والشك بيصيب الفتى كل اما يمشي يعود

باكتب لكم

عن أصدقاء بيكونوا من سطوة الدخان مكان

بيقسموا الوقت اللي بينهم بالتساوي

أصدقاء واخدين مكان ف الكادر بإرادتي

وكانني لما نويت أغرب قلت اقرب

أصدقاء

ماخطرش علي بالي اننا نصبح روافد عند نفس النهر

والناس يمارسوا الفولكلور علي شطنا بهدوء

الاسم : اشخاص بتخرج من دواير شك للراحة

السن : مايكفي من الليل والبلوغ والحب

المهنة : لازم يكونوا بيرقصوا زيي ،

مع اختلاف نوع رقصهم حسب الأماكن واللغات

الأيدلوجيا : .....!!!!!!

ياصديقي

تفتكر ان الشوارع بدوننا ليها طعم

انا وانت آخر ليل بآخر روح

انا وانت احساس البجع بالرحلة والتواريخ

صخرة كوميديا بتنكسر من موج خلافنا واختلافنا

دلوقتي واحنا بعداد ماتتعجبش

انا سيببت بصمة ايدي ف الأوضة

علي محبس المية اللي ف الطرقة

علي اوكرة الباب اللي كان لوينفتح

تدخل عيال

من كل صنف ولون

ياصديقي

لينا ذكرى من خلالها نصنع احنا الكون

ياصديقي

ف الشوارع شيء يشبهنا افكرتك

كنا من أيام بنمشي ف الطريق

متطوحين بالحلم

متلونين بالأغنيات اللي ابتدت بينا

قلتلني : تشربها ايه

قلتلك : مظبوطة كالعادة ،

وهل ممكن نغير ذكريات الملح ف السكر؟

هل ممكن نحن لطعم غير طعم اختيارنا لذكرياتنا؟

كان المطر بيزور مدينتي ف يوم

ويزور مدينته ف يوم

بس كانوا الزرعتين يشبوا ف بيوتنا

زرعتي تسبق ساعات فتشدد روحها فوق ضلوع البيت

وتسكن ف التراس

وساعات بتسبق زرعته

فتمد فرع بيتدي من عند بيتهم يمنا

ياصديقي

فرق الأماكن ف شرعك مش مسافة

وهناك هتحصل حاجات بتبدأ من هنا

قلت له :

يكن ساعات بنحب روحنا ف شيء بيكرهنا

قال لي :

وكتير قوي نكره حاجات بتحبنا

## خروج

ياصاحبي انا وانت يادوب واحد صحيح باين

انت المدين ف الرحلة دي وانت كمان داين

باخشى لقا من غير سلام واخشى فراق حاين

صاحبك إذا صحبك طريق من حقه هيلومك

جهلك ف علمه بشيء يجوز مع جهله بعلومك

دمه اذا سال من ايديه بيان على هدومك

واللي يبيع سكة مسير لازم يكون خاين

## المشهد ٤: أثر الفراشة " ماسيكونُ كان "

تخيل لو انت رميت غطا ازازة ف الشارع ، الغطاء ده  
هتدخل جواه غملة ، عامل النضافة هياخد الغطاء ف  
الكيس ، النملة دي هتخرج من الكيس تقرص بني ادم ،  
يورم ذراعاه مايعرفش ايه السبب ، يروح المستشفى يسأل ،  
يعمل حادثة وهو في الطريق! يموت . تخيل ! من غطا ازازة  
رميتها ف وسط اليوم الطويل

كل الحاجات اللي بنعملها من غير ماناخذ بالناس و يترتب  
عليها مستقبل ناس تانية عمرنا ما هنشوفهم ، الكتابة هنا  
بتكون مُربكة والتفكير كمان لو خدك مش هتخلص من  
المشي فيه ، عموماً كلنا أسباب ف تفاصيل مانعرفهاش

## المشهد

مدنو الأنفاق

الموسيقى

مقطوعة " ملاكي اسكندرية " ياسر عبد الرحمن

الإضاءة والديكور

ثابت

الحالة

جدة



وبقول لكم من عزلتي

عن حكمتي ف الشر قاصد خير

أو لمستي للطيبين ف محطة الدنيا

هل كنت قاصد كل ده؟!!!

ما اقصدش اضلل شخص قال لي :

فين اتجاه شبرا؟

كان سهل جداً أقوله : أدخل شمال ف يمين

لو قتلته ادخل شمال ف يمين

ماكانش قابل بنت ماشية ف اتجاه حلوان

وبدون سبب

كان فجأة قاعد ف الصالون بيشرب شاي

ويتكلم مع الوالد عن المعازيم

ما اقصدش شيء

ساعة ما قلت لبنت حبتني : كملي وحدك

كان عادي جداً أقول : لازم نكمل سوا

لو كنا كملنا . ،

ماكانتش دلوقتي بتضحك

ضحكة رجّت قاعة السیما

وايديها حاضنه ايديه بياكلوا فشار

ما اقصدش حاجة لما قُلت لشاب ف الندوة

بلاش الشعر . . . . مش شبهك

لو قتلته كمل

ماكانش صار العازف الصاعد

ولا كنت هألح صورة ليه ف مجلة مشهورة

ماكنتش أقصد أي شيء

ممكن تقول ان اللي زيي موجودين أسباب

علشان بشر تانية مايصدّهاش الباب

علشان مطر يقصد أراضي بتشتكي من بور فراقها

واحتراقها

علشان غنا الألدغ يوصل فكرة العاجزين عن التوصيل

فلو سمحتم

لو شفتوا موكب ف اتجاه الكعبة ماشي

وقفوه / وماتقتلوش الفيل

ماكانش يقصد صدقوني وماكنتش أقصد

بس حظي سندنني مش فاهم نجحت ازاي

دلوقتي لازم تهتفولي كلكم

أشكروني ع اللي كوّنته بجهالة واستحالة

أشكروا المحولجي ع اللمة اللي  
عدلت سير حياتكم للجميل  
ردوا الجميل ف الأغنيات  
قولوا ف خيالكم :  
نشكرك يا أيها السر الغريب  
سموني خضر ف سر كم . . آه  
سموني خضر  
أو نجم لامع دل تايه ع الطريق  
فارتاح على الشاطيء  
وكون ذكريات محتاجلها  
يومها افتكر ان اللي دله النجم ف اتبسّم  
وبخط أوسع م الزمن دون علي الياطرة الخشب  
" اسمي مكان "

أنا شخص واحد من كثير  
يغيروا بالأحداث بدون ما يحسوا بجميلهم  
بمسحوا الدمعات بمنديلهم  
وبيمشوا رغم الوصل تايهين ف الميدان

لو تهت منكم هتلاقوني ف أغنياتكم  
عند واحدة بتبتسم بفشار ف ايدها  
عند عازف ترنيمات الفرحة بتزيده يزيدها

عند واحد كل مرة يروح لشبرا  
يلقى نفسه بدون ما يشعر  
ف اتجاه حلوان .

## خروج

هي الصدف بس الصدف جرحي القديم بان فيك  
عمرك ماترضى بالقدر حتى ان زمان بنا فيك  
من غير نظر شفقتك حزين من غير ما ابص انا فيك

يمكن يكون دربك جنوب وتعيش بقلب شمال  
وسكة تلمح فيها قبح قد بتنتهي بجمال  
خانك نصيبك ف الرؤى واتهز فيك وجه مال

مش معنى اني اعترفت بيا لابد أكون بانفيك

## {هامش}

كل اللي جاي قد كان  
مكتوب بقاله زمان  
. حاصل زمانه ف مكانه يدينا ناله كام!  
. يديكوا ذكرى وأمل أو عمر ضيعتوه  
كل البشمه ماريونيت وف الطريق العام  
"ناس لما مشيت غلط قابلوا غريب حيوه"  
الخط رد بارات والصدفة حلوة وخام  
ارتبطوا ساعة قدر / سموا ابنهم " Dejavu "

الخدعة عايزة النظر، لكن توخي الحذر  
المشعر الداخلي مش حلوه كما براه  
فيه حاجات اذا شوقتها بعينك تقول الله  
وان غصت فيه عمقها  
تطلع بصمت رهيب

أينشتاين لم يكن

غير ترمس في اليانصيب

والعدسة لو قرئت

مملكه نيشاتها يخيب

بنت التلات أعوام وقفت تبيع مناديل، كان وقتها التاكسي جوه  
الإشارة حزينه، ادبتله حلبة ابتمس واداهها حنيه، جريت على  
البياع علفاه تشوف فلة، اخذ الفلوس فلفها ودفعها وسط ايجار،  
والحاج صاحب البيت اداها للزبال، مسك الفلوس وافكر قام حاسب  
النجار، وأخذها منه صاحبنا نسيها جوه قميص، ابنه لقاها طمع  
فبيعها في الأتوبيس، ولقاها شيخ أزهر في دفعها للكمسري،  
والكمسري كفا واداهها للسواق، كان غاوي شرب وسكر ودفعها في  
البيرة، والصبح صاحب البار اداها للجرسون، جاب بيها جينه  
وعيشه وتركها لليقال، ودفعها للمندوب فاداهها لمراته، ومراته  
لحماته وحماته للسباق، راجع في اخر اليوم تعبان ركب تاكسي، في  
اداله خمسة جنيه كانت بتاعته زمان

ادي فيلم منه غملة. ايشت حال بقا الانسان!



لو كان أبوك ماشريش سيجارة ف سيجارة  
مكاتب مات ربما ولا صاحب السرطان  
وان كنت جيت م الحجاز وركبت حبة  
كان ابك اللي اتولد له يأتي حتى الان  
لكه مافيش للقدر ف ايدينا ستارة  
وعشان كده لم يك إلا اللي فعلاً كان

لو رجلي اتكسرت شيء عادي  
ممكن اركب " ساق صناعية"  
لكن لو روحي اللي اتكسرت  
مالهاش أي حلول طبية  
انا اسف لسيجارة رميتها  
من قبل ماتلفظ أنفاسها  
اسف لهدوم جاية مقاسي  
بس انا مش جاي على مقاسها  
أنا اسف للضحكة بشدة  
على حزن مع الوقت حبسها  
اسف جداً لبواقي الذات  
وحاجات بتجر ف ديلها حاجات  
زرعوني تاريخ . . حصدوني تاريخ  
عصروني حنين . . نزلت بنات

جدي ماشفتوش بس باحبه  
عمي قابلته ياريتني ماشفتوش  
كل اللي بقيته بدون مجهود  
ضاع مني بجهد حاجات مابقوش  
أنا بهري ف ايه  
ده كلام فارغ!!  
- هما بيقروك  
- بكره يملّوا

خدوا شعري قصاد حد بميل له  
وادوني السهرة الصباحي  
وصحاب الحارة، ونصبة شاي  
ادوني البنت اللي عاوزها  
وانا هاديكم سر كتابتي  
واديكوا كمان كل ماحيلتي  
كل اللي انتم شايفينه نعيم

كونوا نفوسكم

وبلاش تزيف

الدنيا ميزان

والجرح خفيف

والحزن ميدان

والصبر وليف

كونوا نفوسكم

مش ناس تانيين

واشتموا ببجاجة ف وقت الضيق

واشربوا بيرة ف شهر ديسمبر

واسمعوا مزيكا بصوت عالي

واحضنوا ف الشارع مش ف الضل

واقفوا عرايا ف حضن المرات

واتمنوا حاجات . . وماتعملوهاش

وابعدوا دائماً عن أي فلاش

اطلقوا ضحكتكموا  
ماتمسكوهاش  
وبلاش تهتموا بمنظركم  
وقعوا كشري على هدومكموا الشيك  
اللبس بدقة بيبقى أنيق  
قولوا ف سهراتكم ألش رخيص  
واشبطوا ف حديد اخر الاتوبيس  
روحوا السينمات مع كل خميس  
واخرجوا م السيمما بشكل جديد  
واهتموا بشيء غير شكل ولبس  
الروح كما قلت " ان انكسرت "  
مش ممكن ترجع روح بالجبس!

وبقول لكم :

كانوا جماعة من بنات بيغنوا أناشيدهم

وبيدأوا بروفة لحفل السبت

كان مصري واحد بس ف الفندق

براقب الأصوات بحرص وينطلق فيها

كانت ساعتها بتبتدي تقرب

وببتدي ف الشك

قالت :

لو تحب تكون لوحدك / كون لوحدك

بس مركبنا تساع واحد كمان من غير ماتغرق

لو تحب تضيف على الأهازيج ملاحك

إحنا أولى .

هل بإيد واحد لوحده إنه يرفض بنت من تونس

قلت حاضر

كان صحيح الليل مؤقت

والغنا للفجر أقصر م النفس

بس فعلاً للموسيقى ليل بحجم الأرض والذكري

اللغات ف اللحن واحدة

" بارشا " عندي أو " كتير " عند الجميلة التونسية

مش هتفرق

مؤمنين بالواحد الإنسان وبالنسيان

وبيناع الأقل

وابتديت الحكى عن نفسي

عن بلادي اللي ارتضت بالعشق والفيضان

ورمتني مجهول الهوية للشواطىء

عن غُنايا الخاص ف وصف الناس

غنيت يومها أغنيات السمسامية فانتشوا

واتحركوا بالأغنيات التونسية

واتلامسنا

زي ضل فراشة مايلامس رحيق الورد

وانطلق صوتنا النشاز المنتظم

يجرق خشب من أغنيات البرد

كلمتني عن ولد خد منها مفتاح أوضتها واختفي

عن أم ربة بيت بسيطة

جاهلة يمكن

بس أستاذة ف فنون المزرعة والحرت

قالت :

صدرها كوكب حكاوي لو طلبت النوم

أو نخدة للدموع لو تهت من نفسي

صوتها أوسع من نهار أول نوفمبر



لما غنت للجبل

غناها واستسلم

واما غنيتلي

ابتديت العزف زي النزف

وبقيننا دون مانحس شركا ف كل شيء

ف الشاي

وف الأحلام

وف الغنوة

تتقابل اللهجات هنا ف القلب

تتحرر اللكنات من الإعتماد وتصبح لنا حرة

كانت ف ايدها تذكرة سبعة صباحاً

وف ايديها الثانية قلب نحاس

وكإني مفطوم ع الفراق والبعء

كل قلبي ما يحفظ الأسماء ثلاثي

يبتعد عنها

كانت صديقتي تشبه البارفان وتشبهني

ضمتني جداً وبدأت ف البكا

قلت : البكا بيخلص المشهد حزين

ممكن ف يوم شتوي نعود تاني

نبتسم ف الفيلم

ونعيط على الكوبري

نغني بلهجة واحدة

وننقسم مع بعض باستمتاع

والقلب يوهب للغنا صك البداية واللقا

وكإنه م الحزن اكتفى

لياً أول لمسة منها / حضنها

وليها ركن النار وأسباب الدفا

اللي واثق منه فعلاً  
اني مش عابر مؤقت  
أو مجرد  
حد خد مفتاح أوضتها واختفى .

## خروج آخر ضروري

بالروح مفارق ومش فارق هاعاود أو هاروح  
سايب فراغ مالي المكان أجسام ثقيلة ناقصها روح  
سايب خُطايا الناقصة خطو ودهشتي وسط الصروح

من غير رفاق يارحلتني عتمة ماليكي أمان  
وزهقت من كرسي التراث وانا بافتكر ف زمان  
هرب الزمن مني وضاق بيّا المكان

ومش هاقول ف الوقت ده ياروح مابعدك روح

## ملحوظة:

الحكاية باختصار  
بنت أطيّب م النهار  
ايد تغمي عنيك بخفة  
وانت بتدوق الفطار  
أم تعرف تبقى طفلة  
طفلة تعرف تبقى دار  
الحكاية عن عنيتها  
سيما صيفي وليل سكات  
الحكاية عن حدودها  
ورد نبت غمازات  
بنت مكتوب ف بطاقتها  
انها كوكب بنات  
والصراحة قلبي دايب  
يوم بشدّ وعشيرة سايب  
انتي حزن لشخص غايب  
انتي دستة بالونات

أما بخصوص الخناق  
واننا ف عدم اتفاق  
وان بيننا حرب أطول  
م اللي دايرة ف العراق  
ده جمال الحب فعلاً  
لعنة الحب بغباء  
وابتلاء الغيرة واجب  
دائماً الغيرة ابتلاء  
وانتي ممكن اغير عليكي  
من دفا وشهم ف ايديكي  
من عنيكى لو تغمض  
ثم فجأة تشوف عنيكى  
من حاجاتك. بارفاناتك  
من هدوم علي شماعاتك  
من كلامك من سكاتك  
من صحاب ماليين حياتك  
ف الطبيعي نكون تملي في اختلاف  
والطبيعي ف كل شهر يومين عجاف  
والطبيعي لانك انتي الكون بحاله  
اني اشوفك عكس كل الكون ماشاف

ف الختام

فيه كلام محتاج اقوله بس مش لاقى الكلام  
فيه حاجات محتاج اقولها وانتي عارفة اني خيبة  
واني بتلخبط ف اسمي  
واني باعرق لما افكر  
وانتي عارفة ان انتي سكر  
واني من غيرك وحيد  
واني صايم طول حياتي  
فجأة شوفتك جاية عيد  
واني مش عارف اعبر  
أو ابين شيء جديد  
أو أقولك يعني مثلاً  
انتي جممة فوق بعيد

فاعذريني، واحضنيني حزن كافي  
حطي ايدك فوق كتافي  
وارقصي حتي ف خيالك  
تنزل المطرة اللي ساكنة ف غيم جمالك  
واعذريني لو ف نفسك كلمة عمري ماقولتها لك  
واعرفي اني بحبك  
واني جنبك للنهاية  
هي دي كل الحكاية.

باكتب لكم

عن جاري بيع الهدايا والتحف

لما انصرف للموت وساب مدد ومساحة للتأويل

(مات من السرطان)

قالوا الجيران واستشهدوا بروشته الدكتور

فصرخت فيهم: لأ ، ممانش م السرطان .

كان فيه سبب أقوى

سبب يجبر عجوز ع الغياب

ويشد قلبي للبكاء

وازاي يعيش والبيت كئيب مخنوق وَسَعُ

جدرانه بردانه احترام عزلة

وكل الأماكن فيه

بتطل ع التواريخ



بنته

قبل ماتسافر بلاد حرّانه تلج

سابت خيوط الذكريات ف البيت

كعنكبوت بيغيّب الكرانيش عن الرؤية

تفاصيل سابتها البنت مش قاصدة

مثلاً:

فستان حرير أبيض

كانت تبان جواه كبدر ف ليل تمام

بارفان مثير

ماكياج من النوع البسيط

وعروسه باربي

كانت بتحكي معاها ع الواد النبيل

اللي شافها ف المسابقة وابتسم ثم انقسم

جائز ساعتها قال لها :

هتسيبي حضني لمن

فانخرطوا ف جنينة بكا واستسلموا

دلوقتي

أربع صور ف الجامعة واتنين ف ابتدائي

مايعوضوش طيفها

مايعوضوش دخلتها ف المطبخ عليه

ومعاها شوكلاته

وكأي واحد زيّه مر بالسبعين

ماكانش يقدر ع الفراق

قال لي :

ف السن ده بالذات

كل الآباء أبناء

كل الكبار أطفال

يتشلقوا ف مراجيح من الذكرى

يهتموا بالتفاصيل

وما يطلبوش تأويل

بيسيبوا للخبرة التوصل للنهاية

ويعيشوا ع اللحظة

سافرت

مافضلش منها

غير فواتير الهدوم وشرايط الفيديو

وعجوز

ماقدرش يرجع بقلبه م المطار فانهار

فرفط حنين قبل الفراق مايكون

ف اتجمعوا الناس اللي شبهه

وشافوه بيرحل ف اتجاه أبيض

وملاحه بتخاصم جنون الشمس والرمان

صرخت فيهم : مات من الفرقة

والله م الفرقة

ماماتش م السرطان

...

## {هامش}

ألف رحمة ونور عليه  
مشة هتفرق اسمه ايه  
مشة هتفرق ايه ميه  
كان رفيع / كان نخيه  
كان بيضحك.. كان حزيه  
كان حرامي أو أميه  
كان قصير أو طويل  
كان بينسي أو أصيل  
بيقي عامل ولا عالم  
أو مشاغب أو مسالم  
أو مناهض أو موالي  
المؤهل والاطي / عالي  
لبسه خيشة أو لبسه عالي  
معها بيقى ميه وايه  
ألف رحمة ونور عليه.

## نشيد للغياب

وياما الخليج خد بشر من عيالهم  
عيال كان أملهم  
يخسوا بمعاني الأبوة وجمالها  
يخافوا اذا الساعة عدت حداشر  
ويستنوا ياخدوا ف حضنه العيضية  
ف مين اللي قال الهروب مسئولية!  
ومين اللي قال ان لم الدراهم  
هيجعل ولادك يخسوا بأمان  
انا اعرف غلابة وعمال نضافة  
عرقهم بيملى الزمان والمكان  
وكل الفلوس ف البنوك والاراضي  
ماتسواش وجودهم ف لمة فطار  
سلام للي عيط وساب قلبه واقف  
بيستني ابوه عند باب المطار  
لكن برضه عيب اني اليوم اللي سافروا  
وتعبوا وعافروا  
وامنوا بوطنهم حد اما كفروا  
أكيد هما يعني قلوبهم بتبكي  
مافيش حد عاقل بيتمنى غربة!  
لكن لو بلدهم بتقتل بقسوة  
(١١٠)

فلازم هيمشوا مادام هي تربة  
يصونوا اللي فاضل ف بكره لعيالهم  
ياكل اللي ناضلوا وشدوا رحالهم  
ورهنوا حياتهم مقابل مدارس  
واكل وملابس  
وتمن المكيف  
وحق المصايف بدم المصيف  
واسرة سعيدة  
قريبة وبعيدة  
يقابلوا ولادهم ف شركة صرافة  
ويمشوا معاهم لحد الأرافة  
يصلوا عليهم  
ف كام متر رملة...  
وهل ده اسمه أمّله اني اموت قبل ما احيا!  
وهل فيه ف مشاعرك حاجات لسه صاحبة  
باعيط وباضحك  
بالوم بس باعذر  
بلادي التي كل يوم فيها موت  
بتكتملي صوتي بحق اني عايش  
بابوش لما بافضل واكون بره بايش  
اجيب حق موتي وحق الغوايش  
وتسمحلي اشوف العيال ف الاجازة!

وهل ده وطن يبقي ليه أي عازة؟  
بلاد فيها عالم ف عنق الازازة  
ياتطلع ف غربة ياتفضل تموت  
ياغربة حزينة بتشبه مدينة  
بتبني الضغينة  
وتمحي البيوت  
بأكد لذلك..  
بإن السكن في نواحي الزمالك  
وإن اشتراك النوادي الكبيرة  
وفكرة وجود الجراج ف العمارة  
لايكن يساوي الوقوف ف السفارة!  
وأكد بإن الهدوم وسط ناسك  
تمنها يزيد عن وقوفك ف " زارا "  
تنقي بسنين اللي غابوا وسابوك  
جواكت تمنها مشاعر ابوك  
وجذمة تساوي مرتب سكااته  
ووجعه لانه مشافش اللي ماتوا  
وحزنه ف بلاد الوجد والاهانة  
يارب اللي سافروا  
إيدك معنا  
يعودوا لبلادهم  
ويبقوا السند والوسيلة لولادهم



وتستتر فؤادهم  
ماحدث يشوف المصيبة ف مسافر  
وتجعل طريق المطار عودة بس  
يارب اللي عيط وفكر وحس  
ورب البلاد اللي خانها الضجيج  
تخلي البلد دي لأهل البلد دي  
وتجعل بلاد الخليج للخليج.

واكتب لكم عن حبها " كان لا بد أحبها "  
علشان كده دوناً عن الألف اللي حضروا حفلها  
انا الوحيد اللي خبطت ف كتفها

هي

تلات أمتار من البهجة

خمس أشبار من المرح الطفولي والندا

تقدر تقول مصر الجديدة

قبل ماجهاز المدينة

يجبر الشارع علي استقبال مزيد م الاعلانات

والاعلانات علي قد ما بتكبر

بيزدادوا الضحايا ف المدن

حسب اتساع الاعلانات

او ربما

حسب اتساع صدر الأهالي ف المدن

لا أعتقد اني بيعط غير هنا  
في ركن ضلمة ف مسرح الأوبرا  
ف المكان اللي اتولد حلمي البسيط جواه  
حلم انه ينزاح الستار عني  
فاغني

لا أنانية إذن  
النص ده للبت دي  
أما انا فمجرد الراوي اللي يعرف شكلها  
بارفانها لما بين صفين ف مسرحها  
حق الفراغ لما تعدي بيمللي مطرحها  
وحاجات كتير تانية  
الشعر مش دوره يوضحها

رقصة عشان امي

ست الجهات الاربعة

والرحلة بالكامل

رقصة عشانني ياصبية

علميني القاهرة من تاني

أرجوكي

ماعرفش غير القاهرة القاسية العنيدة

كنت كل ما احب افارق

اجي افارق من هنا

وارجع واقابل من هناك

واجي افارق من هنا

وارجع واقابل

وكانها بتوصل الشوق بالقنابل

وكانها رافضة السنابل

والليلا دي

كل شيء بيغني ليكي

انتي وحدك ف المكانة المعلنة ف القلب

الجهر باده من هنا واللحن وافر

ف بلدنا ع الساحل بلاقي ميت سبب يجعلني ما اسافرش

ف القاهرة مليون سبب

يجعلني اسافر

انا بروحك يا صبية بقول لهم

اللي يحرم رقصة العاشق لروحه

يبقي كافر

مين أنا

غير انتي لما بتنحني بجسمك فيخضر المكان

مين أنا

إلاكي وانتي بتمنحي الجمهور مشاهدة مستحيلة

ف الكالوس كنتي  
وكانت رعشة بينة من عينيكي  
اللي زاح عنك ستارة اغنياتك كان أنا  
أنا اللي زقيتك بايدي للحضور  
فمليتي روح الأرض نور  
ورقصتي للعالم

يا أيها القادم من المدن البعيدة ع الطريق الساحلي  
بلاش تروح الأوبرا ف ديسمبر  
بلاش تمر بسرعة ف الصف الأمامي  
خلف واحد تاني مر  
لانك لو حاولت بجففة تتفادي التصادم  
هتخبط فيك ساعتها  
وبرضه هتحبها  
هتحبها لامفر

## الرقصة دي

بدأت من خمستاشر سنة

عيل سبع سنوات ف ايدين ابوه

والقاهرة بالنسبة ليه

يمكن مجرد حلم شافه

بعد فيلم قديم عن الموت ف اتجاه القاهرة

والقاهرة بالنسبة ليه

سبع أعمام ماعرفش عنهم أي شيء

غير انهم عزّوه ف ابوه اخر ديسمبر

واحنوا يملوا كتافه بالدموع

ويعدوا تذكرة الرجوع

العالم الثالث أنا

أنا البؤج اللي فضت نفسها علي سكة القطر القديم

واستنتت الراجع من الغربية ماجاش

لان تذكرة الرجوع عمر البشر

ولإن تذكرة الذهب ببلاش

لافايدة من هذا العبث

لافايدة خالص م المحاوله

فانتي أولى

وارقصي



يا ايها العالم

وهي بترقص البنت انتصار للناس

أنا والغريب واحد

وهي بترمي طرحتها لفرحتها

انا والغريب واحد

يا أيها العالم

تعبساً لأرض العالم الثالث وهو بيكتفي بالدور

وبينتهي بردان

تعبساً لصدر بينفتح للنار وينتظر يوم القيامة

ارقصي يا بنت ، يا ضل قلبي الليلة ع المسرح

وموتي بعدها ممكن ، بس اتركي للناس علامة

هتفضل أرض العالم الثالث كأرض العالم الثالث

طول ما الصدور مفتوحة للنار بابتسام

وبنتظر برداً سلاماً

فارقصي .

للمطر

ما للمطر من حق

وانتي أول مطرة يشهدها التاريخ

(هو صديح العوى غلاب ، ما عرفش انا ، والعجبر قالوا مدار

وعذاب ، واليوم بسنة؟)

ما للأغاني للأغاني

وانتي لحظة رقص صافية

أمهاتنا علمتنا

لما ترقص بنت اجمل من تاريخ القاهرة

لازم برهبة نحترمها

حقها ف الرقص

حقي ف الكتابة

لما وقعت بوابات القاهرة  
كان السبب بنوثة رقصت  
والحضور ما منحش رقصتها احترام  
وده ف شرع الانسانية يا اصدقائي حرام

مين أنا

علشان فتاة من أرقى احياء المدينة ترمي ف حضني!  
وانا اللي كان قمة طموحي  
افوت وراها اشم بارفانها واخرج بألوانها  
كإن حتم السما وقعت ف ايدي  
بس لما الصورة تتغير ف لحظة  
وتسيبي ع الأرضية ورقة ملونة  
فيها أرقامك واحلامك وعنوان الإقامة  
فالسما بالشكل ده زادت كرمها  
وما فيش قصادي الا شكري واحترامها

(جاتا الهوى منه غير هو اعيد ، وكل مدى حلاوته تزيد)

كان صوت هدوء القاعة

أعلى من كاسيت أتوبيس بيحمل طلبة للنزهة

و كنت وحدي ف المكان

كأني وحدي

لإن ألف زيادة غيري كانوا موجودين

وكل واحد منهم بيظن نفسه كان لوحده ف المكان

بس اكتشف ان المكان كان فيه زيادة

ألف غيره موجودين

العالم بيتكرر إذن . . . احنا اللي مش ثابتين

الضوء اللي انطفي ماكانش توزيع للإضاءة

كان احترام ليها

والديكور اللي اختفي كان احترام ليها

الطفل اللي عيط ف الصفوف الجانبية

كان بيبيكي مش عشان محتاج طعام

او لإن صباعه ف الكرسي انتنى

لكن لأنه ف لحظة ماشافها

عاتب الرب

بكل مافي الطفل من صفو وبراءة

ليه ماجاش للدنيا من عشرين سنة

يمكن ساعتها

كان هيملك ويا هذي البنت آخر حكاية

ويجوز هيحكيها

ياأصدقائي

عشر ثواني دلوقتي من حقكم

كل واحد منكم يفتكر للست غنوة

وسراً يغنيها

غنوا: .....

باسمي القاهرة ف الفجر شادية  
واسميها الصباح انغام  
واسميها ام كلثوم ف المسا  
من حق شاعر زبي مات مرات كثير يسمي الليل  
كما يهوى يسمي الليل  
من حق صاحبي مغرم الطلبة يسمي الدنيا دوم ، أوتك  
من حقنا نلرزق فرادى ف بعضنا فنصير جماعة  
من حق واحد حب هذي الدنيا طول العمر  
دون مايميل  
يرفض حبها ساعة  
بنفس المنطلق وبحركة تانية  
صدقت اللي قالوا من صحابي  
اني بنسى ابقي الدغ  
كل مااطلع ف الإذاعة

(بمني قلبي بالأفراح ، وأرجع وقلبي كله جراح ، جراح ، جراح)

الغريبة ان كل الناس هنا حبوكي مش قاصدين

كلهم حبوكي يا حلوة

كلهم

أعمي هامر ما بين الوف الفاتنات وهاعرف مطرحك

من وسطهم

بالريجة يومها هاعرفك

بالنسمة لما تفوت ف قلبي تملأ أركانه

باللمسه لما تشيل عن كفي احزانه

بطعم اسكندرية

اول الأشياء دخولاً صدري من عشرين سنة

مازلت انا

وانتي تملي مازلتي

امي انا . . . انتي

اخي واخويا وذكرياتى وبنتي  
الرقصه دي خلطت ما بين جسدين هنا  
وانا باسألك ، مين اللي مال ف الرقصه دي  
انا اللي ميلت ولا انتي اللي ميلتي

قاهرية اذن

اللي تسيبك تقرا بارفانها  
قبل اما تقرا ورقة باسمها ومكان اقامتها  
قاهرية اذن

اللي تاخذك وانت داخل اخترتك  
وكانها أنثي بتعملك عيل ف دنيتها  
لا ارى غيرها ولسه لا أرى  
وبقول لكم بهدوء فلا تعلنوها  
أيوه حبيتها

(انا ياترى اهو ده اللي جرى وانا وانا ماعرفش ، ماعرفش انا).



لسه برضه زي ما انتي  
أربع سنين مايغبروش زيك  
مايغبروش ضحكة عنيكي الطيبة للناس  
وهدوئك العاصف علي الطرقات  
أربع سنين  
مايبدلوش ذوقك  
شكل اختيارك للهدوم والعطر  
تسرحة الشعر اللي لفتت نظري أول يوم  
بس الغريبه اننا يوم ما افترقنا  
كنا برضه ع المحطه  
تفتكري  
إيه العلاقة بين لقانا والمحطة؟

طفلين مايعرفوناش  
بصولنا وابتسموا  
مد الولد إيديه واداني عسليه  
والبنت مدت إيديها بواحدة علسانك  
هل هو ده سكر لقانا الاخير  
وليه منير  
غناً بهدوء ف الوقت ده  
"لو كان لزاماً علينا الرحيل كارهك ياوداع  
ولا بديل"؟!

باقولك ايه  
ماتيحي نكسر حد هذا الصمت  
انا ببساطه  
هاعزمك ع الشاي  
وانتي ببساطة تقبلي  
أربع سنين  
مايوصلوش عاشقه لرفض الشاي  
ومايخرموش عاشق من اللحظة  
خلينا نتكلم كلام ثاني  
مش هاقولك كنتي فين  
ولأ ليه البعد ده  
مش هابص بغيره ع الدبلة  
ولأ اسأل عن صاحبها  
جايز يكون عالم  
ولأ عامل  
أو سياسي /  
فنان مريض باللقطة والفكرة  
بيكب نص اليوم علي القهوة  
ويكب نص القهوة ف هدومه  
أو يكون عازف أجير  
بيقدم اللحن لسكارى مستحيل هيشوفوا فيه موتزارت

أو يكون شاعر خبير  
يقدر يخط الوردة ف الخصلة ببراعة  
ويخط مايكفي من الشهرة  
مثل هتفرق

انتي كمان ماتركزيش على حز في صباعي الشمال  
ماتسألينش عن أول النزوات وآخرها  
عن شكلها / لون شعرها  
تفاصيل كتيرة عن مكانها ف الخريطة

انتي بالنسبالي حرة  
تثبري القهوة بزيادة ولا سادة  
مسك الفنجان مينك أو شمالك  
اللي يفرق وقت هنقضيه بعيد  
نستعيد الذكرى فينا ونستعيد  
نطلب اللحن اللي بنحبه ونرقص  
تلت ساعة /

قبل ماينادي المنادي ف المحطة  
عن معاد قطرين شمال وجنوب

اللي عابزه  
ان لو واحد جرح ف اللحظة دي  
التاني يرفض يجرحه

كلها شوية ونرحل عن هنا  
واللي قمل جرح سابق  
مش هيقدر يفتحه

فكرة حقوقنا ف بعض ماتت والدليل  
لو نقط الفنجان دلوقتي ع الجيبه  
مش هاعرف اعمل بامسحه

## {هامش}

بخصوص أمي

- عاوزه أفرح بيلك
- لما أفرح بيلك انتي الأول
- اتلم ياواد بتلكم جد
- انا عاوزه اطمئن ليلك وعليلك
- والنبي فلك
- والله عبيط
- انا يابني هاروح مش هاقعدلك
- محتاجة اشوفك ساكن بيت
- هو انا يعني بنام ف الشارع؟
- يا حمار اديني عقاد نافع
- مش هتجوز انا كده مرتاح
- أنا أمي كمنجة وحصه متاح
- ومشاعره معرفتش احليها
- أنا متجوز أمي أساساً

منظمتي وانا عايشه بيها

أنا كل ما بهرب منها واغيب

بكتشف ان انا بهرب فيها

الست دي حالة ماتكترش

تغير..... هي ماتتغيرش

الدنيا تشيلها وتهدبها

تطلع تنزل

تسبها تقوم

أنا أمي أنوته بـ ١٠٠ راجل

ورجولة بدرجة ناي مكتوم

ساعة ماتوفي أبويا وراح

شوفت في نظرتها كلام وجراح

من يومها وهي عمود البيت

والأمم دايماً / والناهي

- الدوا جييته؟

- فآكراني نسيت؟؟

- انا عارفه ان الدنيا تلاهي

(١٣٤)

احضننها تقولي امشي ياتصاب

بتغيب أيام زي الاغراب

وتقولي مشاغل وأبصر ايه

- انا أصلي بقيت شاعر معروف

- قالك معروف.. بأمانة إيه

كوا فيلك تشهد يا معزاً

ف بضائي يأمرة أنا بتلرق

واخرج على أوضني شوية وانام

واسمعا تصلي وتدعيلي:

- الواد تلفاه، انما طيب

وانت قريب

ارزقه رزق بججم السماوات

وارزقه بالخلفة ولاد وبنات

وتنام وتقوم تلاقيني مشيت

فتقوم تبدأ ترويق ف البيت

أنا اسف جداً يا حبيبي

علمي سفري الدايم والاشغال

علي كل كلام ضايقتك واتقال

انا مهما بدور وباحيشت ف الدور

باطلع وانزل واجي عليك

أنا راجل جداً

ورجولتي تلخيصها ف بوسة علي ايديكي

والدنيا اه ضاقت ف انتي براح

وانا جنبك باتطمه وارتاح

وخناقنا ساعات بيكونه راحة

وخصامنا كثير بيكونه تلتكيتك

الأم مكانه لسكونه الروح

وخضارمه قلبك طارح فيك

- أيوة ياما ما؟

- عاوزه أفرح بيك.



## {هامش}

القهوة،

منه نُدرّ الكتابة عنها / باخت

فيه حاجات زيادة مدحها لعنة

يارب هبنا قهوة تشبه حُرنا

واوهبنا شخص أصمّ يسمعنا

وادينا قلب نبوحله ما يخونناش

وادينا حضه نروحله، فيساعنا"

صدرك شوارح ذكريات تايهيه

والخز شاعر له هدوءه وحكمته

سألوا الكمان يا هل ترى بتحب ميه؟

صفاق - الملكاه - ما فضلش غيرها في رتته

اتنيه في حرب وخرجوا الاتنيه مقتوليه

وحضنها هربت منه، رجعت حضنته!

ميه اللي سلمّ للشنا المفتح  
طعم الحاجات الدافية ف الليل والمطر  
تهدق ف كل العريانيه مه جنتك  
البيت كانت حبتك يا عبيط  
حبتها ليه ساحة ما كانت كرهنتك؟!  
وازاى بتعمل مه سجايك بالونات  
بتسيبها تطلع للسما دخاه  
البيت مشيت وانت مت عشااه  
دخت نفسك ف الصباح سطران  
وعطشت مه شرب السما ف البحر  
والبحر مه كتة العرق عطشااه  
فبلاش تفكر كل ماء يرويك  
وبلاش تفكر كل حضة شاريك  
فلدت يومياً ف كل الناس  
ونسيت تفكر ف اللي قلد فيك  
في الليل مساحة اسمها " الأشفيف "

كل الاغاني والصور والتكريرات

كل الحاجات بتطلب منه ذكرى الحاجات

ف الليل وكل المراتحيه نايميه

هتتم جنبك لحظة تسوى ساعات

أنا تكفي ممكك تلمسه يشوق غياب

أنا قلبي ممكك تعصره ينزل بنات

لكه لسوء الحظ أو حسنه

ماقتش عارف أنسى دي بالذات

وكأنها كوردان " عمر خيرات "

ريحة الشوارع وقت فجرية

كل البنات هي وهي البنات كلهم

وانت اللي بتروحلهم مايطلعوش هي!

طب ايه يا عم الشتا؟؟؟؟

أنا تحت عيني اتهمى منه كتر ماحتيت

فكترت فيها ضحكك.. ضحكك فجأة بليت

ليه الشوارع كلهم قاصديه

يفكروني باللي مشه فاضليه؟

والقهوة كرسى الاعتراف بالذنب

تَشْرِبُ تَقُولُ كُلِّ الّٰهِ سَابِكُ مِيه  
لِيهِ الشِّتَا وَالْبَحْرُ آتِيهِ صِحَابُ أُتِيهِ  
طَبَّ لِيهِ فِي كُلِّ الْبَلَكُونَاتِ حِكَايَاتِ  
فَتَحْتُ عَيْنِي جَرِي حَمَضُ مَاتِ  
وَكَبُرَتْ بَيْنَنَا لَمْ عَفْشُهُ وَهَجَّ  
وَالَّذِي مَا حَاجَشْتُ بِسَبِّ شَوْقَتِهِ " يَا حَاجِ "   
وَإِيْدِيهِ فِي خَرِي خْتَمِ نَسْرِ كَبِيرِ  
أُمِّي الّٰهِ شَيْلَتِ فِي حَضْنِهَا جَنَاحَاتِ  
وَبَقِيَتْ فِي طَيِّبَةِ كُلِّ حَضْنِهِ بِأَطْيَرِ  
وَصِحَابِي دَفْتَرِ خَدَتِ صِفْحَةِ فِي مَطْلَعِهِ  
مَنْعُهُمُ ثَلَاثَةَ " تَوَأْمِيهِ وَضَمِيرِ "   
شُكْرًا لِإِلَهِ الشِّتَا / عَمْرَانَا مَا فَضَحْنَاشْ  
شُكْرًا لِإِلَهِ الْكُتُبَاتِ مِمَّا تَنْشِئْ  
أَكْبَرُ دَلِيلِ عِنْدَكَ أَنَا  
أَنَا لَسَهُ أَهْوُ مَا نَسْتَشِئْ  
شُكْرًا لِ بَلَّةِ طَيِّبِهِ فِي دِيْلِ التَّوْبِ  
شُكْرًا لِمَهْرَةِ تَبَلْنَا نَنْشِئْ

تعرف يا عم الشتاء ولا بلاشه تعرف  
في مثل هذا الوقت ف كل عام بيغوت  
باحيا واموت مرات وف كل ما احيا باموت  
وعملت منك ذكريات وحنينه  
والقهوة سادة ووشها منظبوط  
وعملت عالم مع خيال ألوان  
وعملت صورة بألف حس وصوت  
وفتحت صدري للغيب شبائيك  
دخل الحمام عشتت وصارله بيوت  
لا البنت راجعة ولا الكلام يفتيك  
ولا نضحكي بأكي ولا العياط مبسوط.

ل داوود عبد السيد عن فيلم " رسايل البحر " ، للدخان  
بصفته وشخصه ، ولآسر ياسين وبسمة ومحمد لطفي مع  
حفظ الأدوار ، ل cilantro جامعة الدول ، ولموسيقى  
ياسر عبد الرحمن باعتبارها نصوص شعرية

باكتب لكم

عن بيت قديم مادخلتهوش

ماعرفش مين ساكن هنا؟

سنوات بافوت

بالمح خيوط العنكبوت بتحاوط الأركان بخفه وانتصار

ماعرفش مين ساكن هنا؟

لكن طيور كانت بتهرب من عشوشها

لحد عنده وتنطلق

يشرق نهار

بيطير حمام من فوق سطوح البيت

ويطلع للسماء

ينزل بسرعه حمام جديد بدل اللي طار

ماعرفش مين ساكن هنا؟

يمكن عجوزة بتعبر التمانين

وتحكي بلطف للأحفاد

حكاوي السندباد

يمكن محارب طار دراعه ف عز وهج الحرب

فاستسلم بسرعة للنيشان والموت

يمكن غفير

وصوه صحاب البيت يتابعه ف وقت مايهاجروا

أو يمكن مجرد بيت قديم على ناصية أجمل من لقا البحرين

وحب اتنين

يمكن؟

ما عرفش مين ساكن هنا؟

بس الحقيقة كل شيء بيحبيني يوماً هنا

كل شيء

صوت الكناريا وهي بتقيم المراسم كل حين

وبتدهن البيت بالغنا واللحن والموال

شكل الشجر لحظة ما يخلع ف المساخر قميص / زي

العريس

بلكونة بالحنية دي

لازم تكون قامت عليها قصة الحب الأخيرة

لازم يكون عيّل مصاب بالحب قرب من هنا

شباك ايديه فوق الغصون علشان ييوسها فانتني واختل

روح مصاب بالحب وبكسر الدراع

لكنه زاد شوقاً

وعمره ماقل



بارتاح هنا ماعرفش ليه  
وكايني قاعد في الخلا مع كوخ قديم  
موجوع يا هذا البيت أظن  
وللأسف

كل اللي وجعه داخلي ببيان سليم

كل اللي عدوا من هنا عدوا

ولا هدوا

ماشافوش ملامحك زي عيني ما بصتک

خايف /

كاينك طفل عايش ف الجنوب

بيمارس التحطيب لأول يوم وآخر روح

مبسوط /

كاينك قلب صياد من بلدنا

لما يرجع ف المسائل هدموم العيد برزق الإيد

بردان /

كإن الفجر بيخطي بهدوء من تحت عقب الباب

ويلمس خدها

مكسوف /

عشان بتحبها

بصيت وخننت ببصيرة وبعمى

مين اللي كان ساكن هنا؟!!

قالوا الجيران :

من يوم ما عزلنا لهنا مالمحنا شيء غير الطيور

كل اللي يمكن نعرفه

ان المكان شايل ف قلبه الذكريات لسنين

بيان حزين

وبيان بيضحك ف الصباح

قال حد منهم :

بس انا بلمح هنا عيل بيجري كل يوم

باسمع عيال بيعيطوا وبيهتفوا

انا الأول . . لأ أنا / أنا الأول . . أنا

والتاني قال :

اما انا باسمع هنا صوت الموسيقى كل يوم

يمكن موسيقي قديمة م القرن اللي فات

أو يمكن يكون صوت الستاير

بعد ماتقابل نسايم بحر هايج ف الخريف

والتالته قالت :

ربما فضلّ صحاب البيت بعادهم عن هنا

أو فضلوا الموت البطيء

مأعرفش ليه كل الطرق بتؤدي م الشارع لحجر البيت

بكيت ، وكتبت بالطباشير علي الجدران

" كان في هنا أشخاص بتعلم زينا "

وكتبت برضه

" ملك مين مأعرفش؟

ملك شيخ؟ مومس؟ صبي؟

ملك مسلم؟ قبطي؟ يهودي؟

مش هتفرق

كل اللي عارفه ان هذا الجزء أصبح ملكنا "

ولمصلحة حبي الكبير للبيت

لمصلحة هذا الغرام الملتهب بيننا

أفضل كده مأعرفش

مأعرفش مين ساكن هنا .

باكتب لكم عنه

مرّت سنة

ولسه بييجي يوماً إلي المطعم

ينادي بسرعة ع الجرسون

ويطلب قهوتين سادة

يُص من الإزاع الشارع الخلفي

ويستناها تيجي بالساعات

زي اللي واقف على رصيف القطر مستني

والقطر فات .

زَعَق ف وش الحاضرين

لحظة ماتهموه بالجنون

قال لهم : إزاي ماجتشِ ، والروح معلّم لونه ف الفنجان؟!!

حتى شَمّوا

هتلاقوا بارفانها الباريسي

لسه جايب آخر الشارع . . إزاي ماجتش؟

طب مين اللي شغل أغنيات (مارسيل خليفة)

وفضل معايا بنزفُص امبارح لواحدة الصُبح؟!

وازاي اختفت نُص علبة سجائري

مع إني مادختش

إيه . . عفريت شربها!!

كل الحكاية انكم خايفين

رافضين تشوفوا المشهد الكامل

لواحدة بتقابل حبييها

كان كل يوم يعمل كده  
وكإنه من فرط القلق رافض يحونها  
كنت بحلم يوم اطوله واسأله :  
كان إيه شعورك  
وانت بتعدّي الطريق دلوقتي وبآها  
بدونها؟! .

عند باترينة بوتيك  
كان كل يوم يبجي ويبصع الأسعار  
ظابط دراعه الشمال على زاوية قائمة  
وكإنها حطت إيديها الطيبة ف إيديه  
ماحزنش على نفسه ف ساعتها  
بس فعلاً  
شفت كل المانيكانات حزنت عليه .

عند بيتها  
كان يباخذ وضع متداري  
عشان يعرف يبوسها  
وعشان يجوز أمها  
تطلع إلي البلكونه نفس الوقت  
بصيت له يومها من بعيد واحترت  
قربت اهلوس  
قربت اصدق إنها  
ماباعتش بيتها قبل ماتسافر بساعة  
قربت اصدق إنها كانت كما بيحكيلي فعلاً  
كل يوم تبعت جواب مقفول لبرنامج المفضل ف الإذاعة



الحقيقة

هي سافرت

بس سابت واحدة تشبهها

واحدة ساكنة ف ذكرياته وبس

أما هو

هو تغريد العصافير الحزينة ف القفص

شبه التماثل للشفا من شخص مش عيان

هو

سعي الاخطاوي للوصول للامكان

هو اللي ممكن يقلب الواقع برفضه

كل ما يواصل متابعة فيلمه بجنونه ودأبه

أما انا

قررت اكون شاعر نبيل جداً

بطّلت اراقبه .

ف الدور الثاني من الدنيا

ف الدور الأرضي من السماوات

كان فيه واحد ميت عايش

بيتابع ناس عايشين أموات

طلع الموضوع من فوق أحلى

من فوق بتبان كل الأشياء

أبسط

أسهل

وبدون تعقيد

موقف بيكون كله ببيكي

وانت لوحده مبسوط وسعيد

كإنك واقف تتفرج على حوض السمك اللي ف بيتكم

وكإنك بالونة هيليوم

فلتت من ايد عيل بشويش

من فوق بتبان كل الصراعات

أبعد من فكرة أكل العيش

من فوق برضه

بتبان الدنيا صنية شاي

والناس حاوطوها بـ سيب وانا سيب

الراحل منها يقوم بدري

والباقى يحاسب ع المشاريب

والفاضل منها يادوب سيرة

وحسن مسيرة وتهريج ونخب

الفكرة انك من فوق دائماً

بتشوف احسن

والساكن ف الدور التالت

بيشوف العريبات حشرات

ويشوفكم لامؤاخذة يا حضرات

كما سرب النمل ف شق جدار

من فوق الشيء واضح للعين

فيا اما الجنة يا اما النار

طلع الموضوع من فوق اثبات

ان اللي بيحصل تحت هزار .

مشهد ٥  
خروج عن النص

موسيقى  
يحيى أ.ه. اسكندريلا

"كان وقتها الفجر بيثبت الشهر.. والصورة أوضع من زمان بكتير"

عن التحرير

عن الشمس اللي خرجت من جيوب الناس

عن الفجر اللي نام ف محطة الركاب

بيجمع كل قلب اتساب

ويجمع كل ثمرة خووخ بتشرب من مبيد سرطان

وكل شيطان ماجاتلوش فرصة يبقى ملاك

تسمي الثورة إيه ف الكبت؟

اسمها " ندى الشباك "

تسمي الثورة ايه ف الشوق؟

اسمها " هنا ف هناك "

واسمها مرور الضي م الاسلاك

واسمها حاجات تانية

تكونلك لو ماكونش معاك

صباح الخير علي التحرير

قمر علي شكل قرص كبير

ألوف خواجات وكتيبة

وشربية

أساتذة عربي ومحامين وحيبة

بتوع حمص وهلبية

مشايخ شائلة نور الله ف عمتهم

عيال جاين بعمتهم

يشوفوا النور من المنبع

يبوسوا الأرض من مركز هتاف الأرض

ويصلوا بعيون خوفهم من المجهول

صباح الخير

علي الخوف اللي ف القاتل من العند للي ف المقتول

وع الأرغول

وع الناي اللي بات سكران وقام طاهر

بيعمل نفسه متظاهر

ويعزف والجميع كورس

ويهتف والجميع يسمع

هنا " حيث ان نقص واحد نقوم نجتمع "

ولو قل العدد بيزيد

ميدان بيعد أمواته من المواليد

ومصر بتنفجر ثورة ف كل وريد

"هنا المخرج مثبت ثاور علي ضحكة نير الريب.. ووخان السيجار الكبري كتم  
من نظرة القاضي"

كان شاب م الأرياف منزل جسمه بره القطر

ينظر بعينه الطيبة للنور

شايل ف جيبه بنت من عمره

وجاي ببسأل عن أبوه اللي اتقتل عابر



وعاش صبار ومات صابر  
ودلّوه الشباب علي أول التحرير  
وطن فعلي  
بلد بضمير  
ومر ماين ألوف الناس  
كخيط دخان بيدخل للرئة فجأة!

"رئيس الجمهورية جبان.. بيقتل فرحة السكان.. ويبيع الرقيق مغشوش"

يمر هتاف ماين بنتين  
يبصوا البعض باستغراب  
واي اتنين تمر الثورة بينهما / ببقوا صحاب  
واي اتنين كتافهم تتسند ف الخوف  
ببقوا اقوي م القناص وم المولوتوف  
يبص العسكري بعنيه من الخوذه اللي على راسه  
يشوف صاحبه اللي ف الشارع

بيفقد باقي انفاسه

ويعموت والميدان يعلن حداد ممتد

"نروح الجمعة ياميخائيل بلاش الحد"

"نروح الجمعة يا ابانوب وبرضه الحد"

كنيستك ف الميدان أوضح

صلاتك ف الميدان بستان

يعدّوا وخلف منهم شيخ بيقل ضلقة الدكان

وطن بيصب بالكامل ف حضن ميدان

"هنا القاضي نظر بعنيه إلي الشهرا وخبتي الصفقة ف الرستور وقال اللهم"

عن الأم اللي مات منها اللي كان منها

عنيها النور ف وقت ماقتلوا نور عينيها

بتقعد ع الرصيف تحسب برود الوقت

وتستني السما تفتح عن العدل اللي تستناه

تبص وبدلة الضباط بتظهر من بعيد جداً

وتبدأ بعدهم صفحة ف كتاب الصبر والمأسة

تلاقي القاضي بيغادر

وتسمع طرف لحن حزين

وطيارة الرئيس بتطير

وتعظيم السلام ويآه

..سيناريو بديل ..

شباب طالع بروح الجيل

يبوس علي كتف أهالينا

غلطنا مننا فينا

بنكتب فوق جبين الليل بإن الحل ف الطلبة

وان الثورة ليها فصول ولم تلخص

وفاضل فيها فصل أخير

من التحرير

## خروج

ايه اللي وداهم هناك؟

اللي وداهم سعادتك  
حزنهم قدام سعادتك  
وانت نايم زي عادتك  
مجك المليون معاك

اللي طالبه من جنابك  
سيب لعم الحج نابك  
طق وحدك من جنابك  
واترك اللقطة لسواك

اللي طالبه بلاش تعيهم  
يكفي ان الموت تاغيهم  
هما ميزتك وانت عيهم  
مرضوا هما عشان شفاك

راحوا يحكوا مين قتلنا  
يذكروا يوم ما اتقتلنا  
لما شافوا الموت أتالنا  
قررنا يموتوا فداك

ده اللي وداهم هناك

## {هامش}

انا اسمي محمد محمود

المعنة : قتيب مشكوك في طريقة موته

وفصيلة دمي : بارود

اعرف أشخاص بالاسم

مروا جماعة بعلب الكشري واخائي امام

واختلفوا مع الحاكم علي مفهوم الامه العام

واقترضوا الأرض

بالطول والعرض

وانطلقت ميزكا خزينة قبل الأحداث بدقايق

انا اسمي محمد محمود

باشتكي من جرح في صدري بطول الشارع

وبضيق في الشعب العوائية من أثر الغاز

باشتكي من دم قديم يبسيل في الثورة لحد الان من غير تحديد للمصدر

اختلفت روايات العسكرة عن سبب الموت

واتمسحوا الشهدا من الدفتر في غياب القائم بالأعمال

وأتفقد الدفتر في حضوره

بعد ما وصلوا معاه لحلول " بخصوص الحافز ومكان دائم في المجلس

الباب اللي يجيلك منه الغاز - سده مجاز

واسند ضعيف على أقرب حيط يشبهلك

الدولة خلاص مايقنتش في حاجة لشهدا جداد

مايقنتش في حاجة لأموان أهاليهم ياخدوا تذاكر حج وعمرة

وشوارح تبقا باسميهم

الشارح لازم يتسمى باسم القناص

هو الطلقة اللي بتشرح عز الضعيف بصوت مكتوم

هو الواحد وانت كثير

هو السيد وانت العبد

والمشهد ده ضروري هيتفحص

علاش يرجع هذا الشارح لطبيعته

سأنت

خامل

يصلح لمور هوكت

وليبغ كتب الأدب الساخر فوق الرصفاه

انا اسمي محمد محمود

شاهد علي آخر عشوة مايبه آتبه اصحاب

شاهد علي اخر كوباية شاي

شاهد علي ناي مخروم حزناً مشك لجل العزف

شاهد علي واحد مات منضاف بالحرف

شاهد علي نرف لألف وريد مع بعض

ازاي حولتوا الموت كونشيتو بهذا الشكل

اختلط الدم بطعم الأكل

واختلط الحابل بالنابل

انا بعثف وهتافي قنابل

وبموت م الخوف مشك م العسك

لكه خايف ل يقول العسك لحبيبتني اه انا قاتل

طب فيه قاتل بيوسج صدره لغاز مسموم وبعثف قدام الجرينوف

القاتل عنده ثقافة الخوف

القاتل أضعف م المولوتوف وبعثف م اليفط البويا

والله انا خايف علي ابويا

انا جيت خايف ينكشف الشارع مع شرطي يواجه أختي



وتموت فرحاً منه بصاته  
جاي اسحب م الشرطي سياطه  
اياك تنكر دم اميت..حتي اه شكيت  
فمابالك لو كاه اميت جارك والبيت ف البيت  
والباب ف الباب  
اموتي جميعاً كانوا شباب  
ووشوشك تفرح ف حضور  
فازاي تبعد ف مخيب  
فتنش ف صدور اموتي واحد واحد  
طلع اسماء السكاه واحد واحد  
ازاي اصبحت سليل جاحد  
فتنش ف صدورهم مع قهوة  
واتنيه شيشة مع حلبة حليب ف الصبحية  
فتنش مع بنت جيران  
فتنش مع معنى الانساح  
مع اخر ماتش ف ليل رمضان  
مع اخر دعوه لأمه وهو بينزل ربنا يفتحها ف وشك وتعود سالم

فتنت في صدورهم عن ظالم عينته حكيم

واختلط القاتل بالقتول

الشرح يطول

والسيرة تبدأ مايتخلصت

العمر يمتد ماينقصت

والراوي هيطلع وهيعله كل التفاصيل

القاتل بقا مه خوفه قتيلا

والشارع فاضي الا

لمرور هو كذب

ولبيع كتب الأدب الساخر فوق الرصيفه

المصرية وقتي أحلام الريبع

الأولة : حاسب

والثانية : وجعك

والثالثة : أبشر

الأولة : حاسب علي قلبك يامينا

في عسكري جه وراه

والثانية : وجعك بسيط دافي

ومالوش ف قوله آه

و الثالثة : أبشر ياعم

الموتة ف الميادين . . بتتحسب بصلاة

رصاصة قالت لينا : ليه ماجتش يمين

قال : لما اميل هاحيا ويموتوا ناس تانيين

الطلقة أنثي وليها قلب وبتشعر

الطلقة شايقة وعارفه رايحة تضرب مين

شارع عمومي يامينا واحنا سكانك  
سكان حزاني شافوا الضحك وماضحكوش  
ضحكنا ف البيت اللي كان مفروش بأحزانك  
وعلينا دمينا ايجار لسه ماتدفعوش

وقفت بهدوء الحكيم بصيت علي القناص  
مليته رقم البطاقة وقولتله اسمك  
كريم يامينا حتي كرمك ع الرصاص  
رصاصه مش لاقية السكن /  
سكنتها ف جسمك

عملت سيرتك حصيرتك ف اجتماع الشاي  
يكفيك يامينا انك انت مُت موته ناي  
دمعك بياتي أصيل ودمعتك م الرست  
ونزفت خلص النيل في وقت ماخَلصت

أنيت كإنك كمنجة وترها تاه منها  
كمنجة وقفت بتعزف والكل تاهمها  
فارس يعاتب مصر بالحب والنشأة  
لكنه ماعاتبهاش ع اللي أتاه منها

أرثيك يامين صحيح ولأ احسدك يالئيم!  
مشيت بدون أسئلة من غير لاسين ولا جيم  
لا سألت عن اعانات ولا قطن لاصابتك  
حييت تفارق فارقت  
وقلت تمشي مشيت  
اخترت وقت مناسب يا أيها العفريت  
بصيت عليك يومها كان الميدان واسع  
وكنت واقف كإنك فتحة جابت نور  
قناصر بيشرب سيجارته ف شرفة ف التاسع  
ومصر فاتحة الزراير ف انتظار الدور

قلبك نزل ع الأرض عند مدرعة  
طلع لسانه وغازها قبل ماينداس  
النور سواد طالل م الجهات الأربعة  
والبرد نايم فريسة لحُرقة الانفاس  
الموت بيعرف صحابه بالاسم والهيئة  
لو الميدان بيدور  
كانوا ماتوا نفس الناس  
أشهد بإنك مقاتل من طراز فارس  
أشهد بإنك نوارس في امتداد البحر  
وعنيك عُنا " اسكندريلا " ف الميدان العام  
باعوا العساكر ترابها بالرخيص يا صديق  
وانت ابن سوق عارف بلدنا تعمل كام

بِكَايٍ وَبِاسْمِ وَقَاسِمٍ لِلجِرَاحِ خُبْرُكَ  
وَعَيْنِكَ دَمُوعَهَا بِسِيْطَةِ لِأَثْرِي بِالْعَيْنِ  
عَرَفْتُ وَقْتُ الْمَوْتِ تَمَوْتُ بِرِهِ حَجْرُكَ  
وَدِمَاكَ بِتَزْرَعِ كَفُوفِكَ يَا خَضِرَ الْكَفِيْنَ

أَشْهَدُ بِإِنِّكَ يَا مِينَا

مُتُّ وَانْتَ أَرْقُ

كَانَ "جَاهِيْنَ" بَاكِيًا وَ"نَجْمٌ" بِيْتَابِعِ

"حَدَادُ فُوَادِكُ" يَا مِينَا

لَمْ يَبْطُلْ دَقُّ

عَلْشَانَ كَدِهِ يَاوَدِيْعٍ / يَا طِيْبِ الطَّلَةِ

فَضَلْتَ تَوْسِعَ لَوْحَدِكَ / وَالْمِيْدَانَ يَضِيْقُ .

وبقول لكم :

البحر أقرب من جميع الناس

والبحر بالنسبة لوحيد هو السكن

البحر مش ذنبه اللي عدوا من عليه رايمين لفين

وبين غروره وقسوة الماشيين فوقيه م المستحيل تلقى ارتباط

البحر بحر

لو شُفت موجه بيرمي ورد للعشاق

أو كان بيرفع حاملة للطائرات

البحر بحر

كنت في عزلتي

باجي هنا ومعايا بعض حاجات

أقعد ووحيد ع الشط واستسلم لحزني والندى

ع البحر

أمي وهي خايقة عليًا م الغرق الأكيد



قالوها من سنوات :

(إبنك هيغرق ، لأنه لما بينسحب بالموج بيخجل م النداء

وبيحترم صمته كده

خجله بيظهر غصب عنه ويلحقوه أول مايعرق

إبنك هيغرق)

وافتكر من غير ماشوفها إنها

كانت بإيدها بتكتشف هل في خروم في المركبة أو لأ

وبأنها كانت بتوصف للنوارس شكلي بالتحديد

ف ان غيبت عن عينهم ينادوا بسرعة للغطاس

ويلحقني إذا أمكن

ع البحر ، قعدت وفردت رجلها زي الأميرة

ماعرفش عنها

غير انها ساكنة ف طرف المدينة

طرفها الدفيان - أكيد -

وبانها من أصل لبناني

زي صاحبي ما قال لي عنها

قال لي حاسب مش هينفع

والحقيقة اني عارفك

مش هتهدى

قلت له : لو كان بإيدي يا صديقي كنت أتوب

الغريبة لما كانت تتجه لبلادها وقت الصيف

ماكانش يجرؤ قصف جوي

يقلق الناس ف الجنوب

لما كانت تبتسم كنت باصبح شخص تاني

شخص غير

زي راهب جوه دير

والسنة دي شفتها ع البحر مرة واختفت

وبقول لكم :

ف البحر عزلة هو ماقصدهاش

والوحدة زي البحر زرقة بس غامقة

والبحر وحده هو أدري م الجميع بالسر

هو اللي كان بيكسر المركب بحفة

لجل اشوف أمي بتخشى الموج عليا واحس بعطفها

وهو اللي كان بيصورّ البنت ف خيالي وردة صابحة

و كنت بنجمل منه جداً

فلا أحاول قطفها

البحر . . . . . بحر .

باكتب لكم

بدمع السيدة اللي اهتزّ خوفها بين حروفها

وهي قدام المقام

" سدّد خطانا للندى ياسيدي "

باخشى الاغاني الميتة والليل طويل

خايفة ماموتش زي أمي عند عتب البيت

والبيت

إذا شاف ميتة عند العتب

يسحب ايديه ويشده للأوضه أم أكره نحاس

ويسيبه على كرسيه وحيد

ترفع ايديها السيدة

والطفلة ماسكة ف طرف جلبابها

ممكن تقف سنوات هنا

لو قررت تذكر جميع اللي رحلوا ضمن احبابها

تدمع عيون السيدة عند المقام  
(مش عارفة انام ،  
ازاي اغمض والعيال نايمين بدون عشوة الليلا دي  
والسنة دي طاحنه فينا جفاف)  
خايفة م الآتي الغريب  
من كل شيء لاشيء  
وابقوا اسألوا اللي انتظر ليه لما فكّر خاف؟  
ليه ماتبكي الطفلة قدام المقام تنزل دموعها بين عينيا تبلمي؟  
ليه لما تسند كفّها فوق الخشب بتمسني؟  
واقف هناك جنب المقام وعلاقتي بالمقامات طفيفة  
كانوا الرعايا بيسألوا فين الخليفة  
والصبايا بيمسحوا دموع أمهاتهم  
كنت بسأل ليه فؤاد حداد ماسابش خطواته هنا عند المقام؟

خاصة ان شاعر زبي مثلاً  
مش هيقدر يسرد القصة لآخرها  
وان سردها ربما تتحول القصة لنقيضها عن جهالة  
أسف هافارق قصبتك  
وهاروح واسيبك تذرني دمعك وخوفك ف المقام  
وحدك ياخاله

الشعر خارج من هنا  
حتى ان قصدت تكون قصديتي مجردة  
حتى ان صبحت ف نظرة الأصحاب  
أرستقراطي جداً ف القصيدة  
الشعر خارج من هنا بجاجات جديدة  
والفرق بس ف نظرتك للمشهدية البيئة  
علشان كده فلتسمعوا

هنا

وبدون ماتقلق

رفعت ايديها السيدة عند المقام

وعينها شايلة الورد من وسط الفازات وبتنطلق للنور

تشعلق البنت الجميلة ف طرف جلبابها

توهب ايديها السيدة للبنت

تضحك

تفتكر أول مادخلت سينما بايدين أمها

أول ماراحت فصلها جنب أمها

واثق بان اللحظة دي حصلت هنا

وانتوا أدري من غريب زيي عن المدن البعيدة وشخص

جاهل بالمقام

انتوا أدري من مجرد طفل بالغ قرر يغيب عن كل شيء

ويذكر الأشياء كما شافها هناك

علشان كده فلتسمعوا

الشعر خارج من هنا

مش من هناك

من غرسة الأطفال ف وحل ف حي عشوائي

من فرض الحصار العسكري خوف التلاقي

من فرحة العيّل ف عز الليل بلبس العيد

من ثلاث ستات يبحكوا عن حياتهم عند عتب البيت

والبيت إذا شاف ميتة عند العتب

يسحب ايديه ويشده للأوضة أم أكرة نحاس

ويسيبه على كرسيه وحيد .



## {هامش}

احنا الصاحبييه لنعاية الليل

احنا اللي جراحنا تعهد الحيل

ربنا يكفيك شم التطبيقق والقعدة لوحرك بتفكر

الليل ملعون بيطار فيك ويطول أكثر م العادة

الليل فنجاه " وحدة " زيادة

تنظفي روحك زي سجارة ماتت على طرف السجادة

ربنا يكفيك شم الحكايات بالذات لو كانت مايتقالش

ربنا يكفيك شم البدايات بالذات لو كانت مايتكلمش

ربنا يكفيك شم الاحزان بالذات لما بتحول ألسه

ربنا يكفيك شم اللي ماقالش

عه هم بيبدأ اخر الليل.

انسان آلي

واقف يتفرج علي عمر سريع بيعدي

معدن مركون ويستخدم

فلا منه سليم ولا منه مصدي

انسان آلي لو هزيته

ممكن يغرق هذا العالم

لو هزيته

تنزل منه كمنجات ، وبنات ، وشوارع ، وحانات ،

وفؤاد حداد ، ومساكن شعبية

انسان آلي

يعرف امتي يعيط تحديداً

امتي يسيب نفسه لشارع

انوار عمدانه بتفضح مساكنه

وبيوته امّا بتعرق بيزيلها الحي

بيداري بجسمه المعدن قلبه النيّ

أوقات بيكون شجرة  
يقصدها العشاق والغربا وبنات الليل  
شجرة بتقعد ع القهوة وبتشرب شاي  
شجرة اتخرمت من أثر الحزن فاتقلبت ناي  
وساعات بيكون وردة بلاستيك  
بتراقب بوسة حميمة ف بير السلم  
لاتنين عشاق دمعتهم سخنهم وايديهم باردة  
وردة بلاستيك  
لكن لها روح . . علشان آمنت انها وردة  
انسان آلي  
مؤمن بالله حد التفكير ف وجود الله  
مؤمن ان الشمس بتشرق بيضا  
وبتصفر بفعل صحاري الغربية والحقد البشري

مؤمن

ان الدخان بيزيد كل مانبعد عن مجرى النهر

كل ما بنسيب اجسامنا مساءً ف الخمارة

ونروح للبيت اجسام من غير ارواح

دخان ، دخان بيزيد

دخان ف البيت ، ف الشارع ، ف الفتارين ، ف عيون

الناس

دخان بيطل من الحواديت

دخان ف الشعر ، ع القهوة ، ف الميادين ، علي نمر

العربيات

دخان ف الروح ، ف الاغنيّات

دخان ف السوق ، ف البحر

دخان ف الصحرا

ف الموت دخان بنقول عنه بياض الغامض

ف الليل دخان بنقول عنه بياض الاسود

ف النور دخان بنقول عنه بياض التأويل

لو كان نرسيس ركز حبة

كان شاف الدخان طالع منه

كان فكّر ميت مرة قبل ما يُعجب بملاخه

كل الأساطير دخان

دخان أبيض / للروح

أسود / للعتمة

أزرق / للكدمة

أصفر / للصدمة

أحمر / للطمّة

أخضر / للشعر

على قد ماتفهم ألوانك  
علي قد ماتصنع دخانك  
فبتعجب ليه لما باقولك اننا اموات  
وبتعجب ليه لما بقولك اننا ادوات  
وبتعجب ليه بس حبيبيتي  
لو تحضنني يوجعها حديد جسمي  
لو كنا بنختار علي كيفنا  
كنا بقينا جميعاً ازواج صالحين  
أو شعرا بتوصل قصايدهم للناس  
أو ثوار صنعوا بلادهم بعد ماماتوا  
  
لو كنا بنختار علي كيفنا  
كنا عرفنا  
ازاي نضحك . . . من غير مانعيط .

من أجل ده

باكتب لكم

عن أغنياتنا وفرحنا

عن خوف قديم وهروب جديد

عن ليل طويل اسمه الحياة

عن برد أسرع من دخولنا للدولاب

وخروجنا منه بشيء باسميه الدفا

عن أمهاتنا عند باب النهر بيملوا جرّاتهم حنان مكتوم

ويقضوا الليل سكون على طرف شرفاتهم

بيونسوا الكروان ويلملموا رفاتهم

ويضحكوا لله

هذا اللي عجزّ سميناه الموت

كان اسمه من سنوات

حياة

من أجل ده وف عزلتي

باكتب لكم عن قصتي

وبسبب ايديا ع الأكر مستني واحد منكم يدخل عليا

بالكتاب

هل قالوا عن بعدي اني مُت؟

هل قالوا غاب؟

هل قالوا بطل شعر؟

هل موتوا أبطال قصايدى كلهم؟

أم فعلوا ايه؟



وبقول لكم :

الشعر لعنة ممتعة

وإن صوت السيمفونية أعلى دائماً

ووشوشنا وقت ما ينتهي صوت الآلات

تتلاشى وياها

م البسيط بنهج ، بقلوع المراكب ننطلق

قاصدين أمل يمكن

قاصدين متاهة

ننكسر نقوى ونقوى ننكسر

احنا أضعف مخلوقات الأرض / أقواها

كل من مر ف حياتي خد مكان ف السيمفونية

حتى لو أبسط كثير من إنه يحتل المكان

قلت :

باسم كل المهزومين بالأمكنة قررت أهاجر

ارمي روعي للشواطيء والشوارع

اسمي : اسمي

جسمي : هالة من قلق ودموع

قلت أهاجر

باسم أنصاف البشر ف المولد الدنيا

أعلن الأسماء وبالتفصيل

نوع بيوتهم ، لون وشوشهم ، فولكلورهم ، حلمهم

عن ناس بتخرج م الحياة

أول ماتخرج للحياة

قلت أهاجر

لجل ما أجمع أغنيات من لحم أهلي

من مراكب ولعت ف البحر

منتظرة الحقيقة واختفت

قلت اهاجر

لجل ما اخرج م الدواير للصدى

واصنع بداية تليق براحل م الجنوب للبحر

قلت ادون ف الكتاب اخر آيات الروح

واعزف لوحدي ع الجبل

يسمعني عابر أو ميسمعنيش ماتفرقش . . . عزفت

بانزف لوحدي أو معاهم مش هتفرق

اسمي ف الحاليتين . . . . نزفت

بالتشابه قلت اجازف باختلافي

فاختلفت

يبقى مش حلم اللي شفته  
لما كان طيف المسيح بيشقُ نهر ف أرض بور  
والحمام بيفرم الأبراج لحجر الناس  
كانت أغاني ملهمة  
بترتب العصافير على الصبح الجديد  
والموج بيغسل هم عشاقه  
يبقى مش حلم اللي شفته  
لما كانت قوقعة تشبه مدينة بحملها  
والسر أوسع من غرور البحر ف النوة  
كانت بتسكن حضن طفلين اترموا ف البحر  
مع انهم ما بيعرفوش العوم  
قال لها : ما اعرفش اسمك  
فابتدت ترقص

كان غرور الموج بيخشى رقصها  
وبيحترم فن اختيار الإسم بالرقصة

رقصت كإن الليل بيشر من قناية صبح ع الشباك

والصوت بيخرج من لسان أخرس

يطيح بالساكيتين

قال لها : ما اعرفش اسمك

بس عارفك

تفتكر للدنيا كام مخرج هناك

ما تقولش واحد

كلنا مش شكل بعض عشان نقول نفس الأسامي

كلنا مش شكل بعض عشان نغني

تفتكر ف اليأس كام بوابة تصلح للتمني

جايز تلاتة (ليل وخوف وسكون)

- تفتكر . . . . . ؟

- جايز

قلت جايز

بس سييني للمشاهدة  
سييني للصلصال ياخدني واكتشف أكثر بعيني  
سييني وحدي ف عزلتي  
سييلي النوارس والطريق للبحر  
فكرني بامي والأغاني البكر قبل مانصطدم بالليل .  
وبلاش تقول لي  
ان اهلي كلهم باعوا الصلة  
واستسلموا للبعد قاصدين البعاد  
بلاش تقول لي  
ان اقرب حاجة ليا  
هي أغرب حاجة عني  
وبلاش تقول لي ان صوتي نشاذ  
واسمحلي اغني

انا هافتكر كل اللي فاتني ف رحلتي

رحلة العشرين محاولة

والسبعتاشر نظر

هافتكر دخلة أبويا بالجوافة والفراولة

والفزع م الجي

تزيياً عجلته

لما يدخل عند باب الحي

صحابي ف شارع الفقرا

وليل إبريل

إذا يكذب علينا مجلم ضي

هافتكر تونس

وهي بتعترف بالشعر ف حضوري وف غياي

هافتكر ياسمين

صبية تونس العذرا

وضحكتها البتول

هافتكر كل الإناث اللي احترمت القرب منهم واعترفنا  
بالتعري

هافتكر بلدي اللي واقفة ع القنال

بتنشر النورع الحبال

وبتنشي بالسسمية

هافتكر اهلي وهما بيكتبوا الجوابات

وبيعتوها بالحمام الزاجل الميت

هافتكر (بيريهان)

وهي بتتفق ويا المطر على صفقة كسبانة

لو هي مرت من هنا ينزل يغرق شارع الفوانيس

وقصاد كده

هي هتسمحله يلامس جزء منها

لما بيعجي الريح ف مارس كل عام

يلمس حواف الجيبة وياخدها

ويبان صهيل النور علي جناح السما



هافتكر كل القهاوي اللي انسحبت بحفة منها

وسيبتها للذكريات والفحم

مؤمن بان الماضي آت

والذكري شحم ولحم

علشان كده

من عزلتي وانا وسطكم

باكتب لكم :

الشعر لعنة ممتعة

والشاعر الموهوب ييكتب جهله باستمتاع

الحب وردة ونبتت على طرف بلكونة قتيل

دبت ف روحه الروح فعاود باندفاع

الشعر / فكرة أوسع من جراحه وبهجته

واخر مايشغل نبي

الصدق م الأتباع .

## {هامش}

خذها قاعدة:

أي واحد جاب فراشة م الجنية وخطها ف البرطمان  
ثم فكّر انه يحافظ عليها...

ذبه فيها

دمها الألوان هيفضل شيء يطارد

أصل برصه / مشط طريقة عشان يصونها!

هو ممكنه عجبه لونها

قال يجيبها تموت قصاده بالبطيء

واتما ماتت هو عيط

والجميع حسوه برىء

شالها يابيه ثم خذها

للغوا ورمها تاني

نزلت الألوان بتنزف

برتقاني ع الطريق!

قصة الحب الكبيرة..  
صورتك السيلفي الأخيرة..  
اتصال بالليل يضايقك  
ترجعوا / تفصونها سيرة  
انت طبيب  
بس خامض  
هي عاوزه حاجات كتيرة  
وانت ايه غير " شكربته"  
من حياة منقطعها بيده!  
شكك أومنتك  
لون هدمك  
ذكرياتك  
نقطة الصفر ف حياتك  
السياسة  
والأغاني  
والجوامع  
الاضاعة الخافتة والمزيكا وانت..

- اعلم ايه لو تو حشيني؟
- انسى واعرف واحدة ثانية
- بس انا شايلك ف عيني
- حظنا نبعء، دي دنيا!
- انتي قصدك تقتليني
- انت ميت كل ثانية

### المحطات البعيدة

شذرة السفر اللي فيها ريحة الناس والشوارع

جلدك اللي مسامه شايله

نقطة مع عرق اللي راجع

الحياة رجمة وكئيبة

بس حلوة وليها معنى

احنا باب ندخل ف نخرج

والجميع لله ورزقنا

احنا بالفعل اتدعنا!

كنت واقف والشوارع ليلا ووحدة

كان صبحاي كلهم راحوا لبيوتهم

كنت وحدي أو معاها

أو..

معاها وكنت وحدي

كلمتني عن قمم سائت سماها

وأما لمست إيدي فجأة

تابع القمم المفاجأة

خلى نور الفجر يتأخر شوية

ثم غابت

ثم رجعت

ثم دابت بيده إيديا

واكتشفت يائي وحدي أو معاها

أو..

معاها

وكنت وحدي

الطيب النفسى ممكنه  
ينصحك ويهتف فيك  
بس مشك ممكنه يقرر  
اللى غابوا يعودوا ليك  
واكتئابك  
رد بابك  
سببت كل الناس وغيبت  
واللى سابك اسمه سابك  
انت عمرك يوم ماسبت  
قهوة تاني  
وانسحابك للصور علقشان تعاني  
ناس كثير ف الصورة مشيوا  
وانت مجني عليه وجاني  
تكتشف انك كباتك كنت منك توهدت فيك  
ثم تفهم ان بكره باب واكره هديجي بيك  
وان خوفك لو يشوفك عمه ماهينهق يجيلك!

- طب وأبويا؟

- يرحمه ربك ياخويا، شال كثير وارتاح فسيبه

- طب وهي؟

- هي باحت واللي باح ياخذ نصيبه

كان ساعتها قلبي واقف والرماه ثابت مكانه

بكره فيه كاع شيء، كويست يستحق اعيشه عشانه

طفل ممكنه شبعني جداً

أو زيارة عائلية

أو مطر هيبك روجي

يمسح العفرة اللي قبا

أو ثلاثة أصحاب ف مصيف

يحقوا صباغي الصغير

يقنعوني بشيء مزيف

أو يراهنوني بغيابهم

واما بالكسب مايعيبوش

فيه ف بكره شيء حقيقي

مستحيل بالخوف ييوش

بالقياس

فيه ف حياتنا ياما ناس

موتونا بحب زايف

حُب آخره يكون كلام فوق الشفاف

كثفونا ياتعهم ماسكيه إيدينا

يعشقونا ف سجننا مقفول علينا

واما تعطل حاجة فينا

يسحبونا ة الضمائم

كلنا يا صديقي أصلاً

كالفراسة ف برطمان.



{هامش}

ضروري

كادر واحد / " ليل داخلي . مستشفى "

أهلك واقفين قدام الباب

وممرض واقف عند دولا ب

بيحضّر حقنة بكل هدوء

خالك بيتابع بالتليفون

وأبوك بيرتلّم القرآن - سورة الانسان

ويدعي لأمك تبقى تمام

ف الكادر بيان منظر حمام وريسبشان واقف فيه شخصين

ف الخلفية صورة الرئيس واقف متحنّط بين علمين

وف اخر الطريقة ثلاث ستات

بيجيبوا حاجات ويودّوا حاجات

وف وقت معينّ وف ثانية

خرج الدكتور بشهادة زور

ان انت بتضحك للدنيا

مشهد اتنين / " نهار خارجي . مدرسة "

مس نادية جلال

واقفة بتشرح / قدامها عيال

وانت ما بينهم قاعد محتاس

(اتفضل قوم ، جاوب علطول)

تتلخبط وقت ما تبجي تقول

يضحك واحد من اخر الفصل

تُخرج جداً وتشيل جواك

احراجك هو الباقي معاك

من طفل قديم كان يشبه ليك

تعرف معاليك!

كان شكلك أبسط من دلوقت

غيرك الوقت

بدلك المشهد والتفاصيل

والفاضل منك نص قبيح

دايماً بيفوز على نص جميل

مشهد ثلاثة / " ليل خارجي . النيل "

انت وهي وبتاعة الورد  
حضنها دافي وبينشع برد  
والناس محشودة بفعل الجرد  
بتقرب منها وهي بعيد  
بيبان ف الكادر اتنين ظباط  
ويبان بالصوت تهريج وعياط  
وبطاطا بتلبس بالطوشياط  
وتدفن روحها بدون أسباب  
واقف قدامها ايديك ع الباب  
وعنيك ع الشارع والماشيين  
خايف من مين؟ خايف على مين؟  
كلها كام يوم ماتكونش معاك  
وتكون مع غيرك عند النيل  
هي وهو وبتاعة الورد  
حضنها دافي وبينشع برد  
والناس محشودة بفعل الجرد  
بيقرب منها وهي بعيد

مشهد أربعة " ليل داخلي منزل "

شكلك عجزت!

ما بقيت ش خلاص عارف ترتاح

مشروع طائر باقي منه جناح

ومعاك أسرة بتعرف ترضيك

وتعذب فيك

ومعاك أولاد شبهك بجنون

ف المنظر اه مش ف المضمون

ف الاوضة مراية بحجم عينك

وهدوم احلامك واسعة عليك

تضحك والشيب بيعاكس فيك

والدنيا بتلعب بيك طاولة

فاضل ف الروح اخر جولة

فاضل من كل الماضي حاجات

شارع وبنات مجاذيب وذوات

وازايز خرة وصحبة سوء

وتاريخ مسروق

واغانى كئير مالهاش اصحاب  
الماضى بعيد وكاينه سراب  
والجاي سراب هيكون ماضي  
فيدور " زمبلكك " ع الفاضى

مشهد خمسة " ليل داخلي . مستشفى "

أهلك واقفين قدام الباب  
وممرض واقف عند دولاب  
بيحضّر حقنة بكل هدوء  
بتك بتتابع بالتليفون

وأبناك بيرتلّم القرءان - سورة الانسان  
ويبدعي عشانك تبقى تمام

ف الكادر بيان منظر حمام وريسبشان واقف فيه شخصين  
ف الخلفية صورة الرئيس واقف متحنّط بين علمين  
وف اخر الطريقة ثلاث ستات  
بيجيبوا حاجات ويودّوا حاجات  
وف وقت معينّ وف ثانية  
خرج الدكتور مهزوم بيقول  
ان انت بتخرج م الدنيا .